

T-8

Na osnovu člana 16. stav 4. Zakona o Vladi Zeničko-dobojski kantona - Prečišćeni tekst („Službene novine novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 18. sjednici, održanoj dana 28.04.2023. godine, d o n o s i

## ZAKLJUČAK

### I.

U postupku razmatranja Prijedloga Zakona o izmjenama i dopuni Zakona o unutrašnjim poslovima Zeničko-dobojskog kantona, kojeg je u skupštinsku proceduru uputila poslanica Amela Granić, a u vezi sa Mišljenjem Ministarstva unutrašnjih poslova Zeničko-dobojskog kantona broj: 08-01-02/2-02-1-736-2/23. od 24.04.2023.godine, Vlada Zeničko-dobojskog kantona smatra da nema prepreka da se isti uputi u dalju skupštinsku proceduru.

### II.

Zaključak sa Mišljenjem iz tačke I. ovog zaključka, upućuje se u dalju skupštinsku proceduru.

### III.

Zaključak stupa na snagu danom donošenja.


Broj: 02- 02-6999/23  
Datum, 28.04.2023. godine  
Z e n i c a

DOSTAVLJENO:

1x Ministarstvo unutrašnjih poslova,

1x Stručna služba Skupštine,

1x a/a.



PREMIJER

*Amra Mehmedić*  
Amra Mehmedić



Broj: 08-01-02/2-02-1-736-2/23.  
Zenica, 24.04.2023. godine

ZENIČKO-DOBOJSKI KANTON  
VLADA ZENIČKO-DOBOJSKOG KANTONA

n/r Premijera  
n/r Sekretara Vlade

PREDMET: Mišljenje na Prijedlog Zakona, dostavlja se

Dana 06.04.2023.godine od strane Stručne službe Vlade aktom broj: 02-1-02-3742-4/23. od dana 05.04.2023.godine dostavljen je Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona-skraćeni postupak (u daljem tekstu: Prijedlog Zakona), koji je predložila poslanica Skupštine Zeničko-dobojskog kantona, Amele Granić, na postupanje kao nadležnom Ministarstvu.

Ministarstvo unutrašnjih poslova Zeničko-dobojskog kantona je razmotrilo dostavljeni Prijedlog Zakona, i daje sljedeće:

### MIŠLJENJE

Nakon izvršenog uvida u tekst Prijedloga Zakona, Ministarstvo unutrašnjih poslova Zeničko-dobojskog kantona nema primjedbi na predloženi član 1. Mišljenja smo da je predložena izmjena u skladu sa komandnom policijskom strukturom u Upravi policije, imajući u vidu činjenicu da je čin Glavni inspektor najviši čin u toj strukturi.

Po pitanju predloženog člana 3. kojim se briše odredba člana 85. osnovnog teksta Zakona u vezi sa mandatom imenovanih, mišljenja smo da je istu potrebno regulisati novom prelaznom odredbom.

Na predloženi član 2. kojim se vrši dopuna odredbi člana 42. Zakona, novom tačkom e), Ministarstvo nema primjedbi na predloženi tekst u vezi tački a) i c), a što se tiče tačke d), mišljenja smo da bi primjena iste bila jasnija ukoliko se mandat imenovanih propiše kako je navedeno u prethodnom stavu ovog Mišljenja, tj. novom prelaznom odredbom.

MINISTAR

Benjamin Sinanović

05-01/03.04/23. 4/1  
05-02/03.04.23. 6

dr. Amela Granić  
Poslanica u Skupštini Zeničko-dobojskog kantona  
ispred BHI-KF-Bosanskohercegovačka inicijativa-Kasumović Fuad-za BiH

**SKUPŠTINA ZENIČKO-DOBOJSKOG KANTONA**  
n/r predsjedavajućeg Skupštine

SKUPŠTINA ZENIČKO-DOBOJSKOG KANTONA			
Primijeno:	03.04.2023		
Org. jed.	Broj:	Priloga:	Vrijednost:
01-	02-	3742-	2/23

**Predmet: Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona, dostavlja se**

Poštovani,

Dana 10.03.2023. godine, a u skladu s odredbom člana 128. i člana 140. Poslovnika Skupštine Zeničko-dobojskog kantona, u svojstvu poslanice Skupštine Zeničko-dobojskog kantona ispred političkog subjekta BHI-KF-Bosanskohercegovačka inicijativa-Kasumović Fuad-za BiH, podnijela sam prijedlog Zakona o izmjeni i dopuni Zakona o unutrašnjim poslovima Zeničko-dobojskog kantona.

S obzirom da je u međuvremenu, prijedlog dopunjen i brisanjem jednog člana, povlačim prvobitno dostavljen prijedlog zakona, te umjesto toga, upućujem novi prijedlog koji dostavljam u prilogu ovog akta.

Shodno naprijed navedenim odredbama Poslovnika Skupštine Zeničko-dobojskog kantona, predlažem da se prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona pretresa po skraćenom postupku, bez nacrt, iz razloga što se radi o jednostavnom i kratkom prijedlogu zakona kojim se mijenja član 33. tačka d), dopunjava član 42. novom tačkom, a član 85. briše.

S poštovanjem,

Zenica, 03.04.2023. godine

Podnosilac prijedloga

dr. Amela Granić  
poslanica u Skupštini Zeničko-dobojskog kantona

**PRIJEDLOG**

Na osnovu člana 37. stav (1) tačka f) Ustava Zeničko-dobojskog kantona ("Službene novine Federacije BiH" broj 7/96 i "Službene novine Zeničko-dobojskog kantona br. 1/96, 10/00, 8/04 i 10/04), Skupština Zeničko-dobojskog kantona, na \_\_. sjednici održanoj \_\_. 2023. godine, d o n o s i

**ZAKON  
O IZMJENAMA I DOPUNI ZAKONA O UNUTRAŠNJIM POSLOVIMA  
ZENIČKO-DOBOJSKOG KANTONA**

**Član 1.**

**(Izmjena člana 33.)**

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona" br. 13/18, 6/19, 22/19, 21/20 i 10/21), u članu 33. tačka d) mijenja se i glasi:

"d) da ima čin glavnog inspektora i najmanje tri godine radnog iskustva u tom činu;"

**Član 2.**

**(Dopuna člana 42.)**

(1) U članu 42. stav (1) iza tačke d) dodaje se nova tačka e) koja glasi:

"e) ako utvrdi da policijski komesar ne ispunjava uslove propisane članom 33. stav (1) tačka a), c) i d) ovog zakona;"

(2) Dosadašnje tačke od e) do g) postaju tačke od f) do h).

**Član 3.**

**(Brisanje člana 85.)**

Član 85. briše se.

**Član 4.**

**(Stupanje na snagu)**

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-  
Zenica, \_\_. 2023. godine

**PREDSJEDAVAJUĆI**

Dejan Kovačević

## OBRAZLOŽENJE

### I – USTAVNI OSNOV ZA DONOŠENJE ZAKONA

Ustavni osnov za donošenje Zakona o izmjenama i dopuni Zakona o unutrašnjim poslovima Zeničko-dobojskog kantona sadržan je u odredbi člana 37. stav (1) tačka f) Ustava Zeničko-dobojskog kantona kojom je propisano da Skupština Zeničko-dobojskog kantona donosi zakone i ostale propise za izvršavanje kantonalnih nadležnosti.

### II – RAZLOZI ZA DONOŠENJE

Razlozi za donošenje Zakona o izmjenama i dopuni Zakona o unutrašnjim poslovima Zeničko-dobojskog kantona (u daljnjem tekstu: Zakon) sadržani su u sljedećem:

Zakonom o izmjenama i dopunama Zakona o unutrašnjim poslovima Zeničko-dobojskog kantona usvojenim na 34. sjednici Skupštine Zeničko-dobojskog kantona održanoj 25.06.2021. godine, izmijenjen je član 33. tačka d) navedenog zakona kojim je, umjesto uslova da kandidat za policijskog komesara ima najmanje tri godine u činu glavnog inspektora, propisan uslov da kandidat za policijskog komesara ima čin glavnog ili samostalnog inspektora i najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu.

Ured visokog predstavnika i Ambasada Sjedinjenih Američkih Država, u više navrata su pismima upućenim Skupštini i Vladi Zeničko-dobojskog kantona ukazivali da su predloženi amandmani na Zakon o unutrašnjim poslovima Zeničko-dobojskog kantona usmjereni ka neprimjerenom zaobilaženju postojećih procedura i smjernica, nametanju direktne političke kontrole nad policijskim sistemom Zeničko-dobojskog kantona, te da se istim dodatno ne unapređuje profesionalnost policije, niti jača vladavina zakona i policijska nezavisnost. Posebno je isticano da odrednice kojima se predlaže snižavanje potrebnog čina za mjesto komesara policije će oštetiti karijerski sistem službe i komandnu policijsku strukturu Uprave policije Zeničko-dobojskog kantona, te da se ne vidi dobrobit od snižavanja profesionalnih standarda u policiji. Zahtijevano je od Nj.E. dr. Valentina Inzka, ambasadora Ureda visokog predstavnika u BiH i Nj.E. Erica Nelsona, ambasadora Ambasade Sjedinjenih Američkih Država da navedeni amandmani budu povučeni, a ukoliko Skupština Zeničko-dobojskog kantona nastavi sa procedurom usvajanja ovih amandmana, posebno putem skraćenog postupka, dovešće se u pitanje opredijeljenost Skupštine i njenih poslanika nezavisnosti policije, transparentnoj dobroj vladavini i vladavini zakona, te da će biti odgovornost svih koji su podržali pokušaj slabljenja integriteta policijskog sistema da objasne javnosti zašto se protive jačanju vladavine zakona i omogućavanju policije da na najbolji način zaštiti ljudske živote i imovinu. Jasno je navedeno da usvojeni amandmani ne zadovoljavaju osnovne standarde povjerenja u policiju i njene sposobnosti da zaštiti sve građane Zeničko-dobojskog kantona, što je suština funkcionisanja demokratije u Zeničko-dobojskom kantonu.

Zanemarujući naprijed navedena upozorenja međunarodne zajednice, Skupština Zeničko-dobojskog kantona usvojila je Zakon o izmjenama i dopuni Zakona o unutrašnjim poslovima Zeničko-dobojskog kantona, kako je naprijed i navedeno, što je prouzrokovalo reakciju Ambasade Sjedinjenih Američkih Država u Bosni i Hercegovini koja je donijela odluku da suspenduje Memorandum o razumijevanju potpisan sa Vladom Zeničko-dobojskog kantona koji se odnosio na saradnju u borbi protiv korupcije, uz obrazloženje da se usvojenim izmjenama Zakona ograničava nezavisnost policije, transparentno i dobro upravljanje, pravna sigurnost, te vladavina zakona, što je dovelo do zaključka u Ambasadi Sjedinjenih Američkih Država da Vlada Zeničko-dobojskog kantona neće biti pouzdan partner u borbi protiv

korupcije. Predloženim izmjenama Zakona doprinosi se uspostavljanju profesionalne, efikasne, nezavisne i depolitizirane policijske strukture Zeničko-dobojskog kantona, te jača vladavina prava.

U skladu s naprijed navedenim, predložena je i dopuna člana 42. stav (1) Zakona novom tačkom e) kojom se utvrđuje, pored postojećih, dodatni slučaj u kojem se podnosi prijedlog za razrješenje policijskog komesara.

Shodno izloženom, predlaže se da se Zakon o izmjenama i dopuni Zakona o unutrašnjim poslovima Zeničko-dobojskog kantona donese u predloženom tekstu i po skraćenom postupku.

### **III – OBRAZLOŽENJE POJEDINIH PRAVNIH RJEŠENJA**

#### **Član 1. Prijedloga Zakona**

U članu 33. tačka d) vrši se izmjena uslova koje kandidati za policijskog komesara moraju ispunjavati, tako da kandidat za policijskog komesara može biti samo osoba koja ima čin glavnog inspektora i najmanje tri godine radnog iskustva u tom činu.

#### **Član 2. Prijedloga Zakona**

U članu 42. u stavu (1) dodaje se nova tačka e) kojom se, pored postojećih propisanih slučajeva za razrješenje policijskog komesara, propisuje i slučaj u kojem se utvrdi da policijski komesar ne ispunjava uslove propisane članom 33. stav (1) tačka a), c) i d) ovog zakona.

U članu 42. u stavu (2) vrši se usklađivanje označavanja pojedinih tačaka, nakon dodavanja nove tačke, iza tačke d).

#### **Član 3. Prijedloga Zakona**

Navedenim članom briše se član 85. kojim su bile propisane prelazne odredbe o mandatu imenovanih.

#### **Član 4. Prijedloga Zakona**

Navedenim članom propisano je stupanje na snagu osmog dana od dana objavljivanja u "Službenim novinama Zeničko-dobojskog kantona".

### **IV – FINANSIJSKA SREDSTVA**

Za provođenje predloženog Zakona o izmjeni i dopuni Zakona o unutrašnjim poslovima Zeničko-dobojskog kantona nisu potrebna dodatna finansijska sredstva u Budžetu Zeničko-dobojskog kantona za 2023. godinu.

Podnosilac prijedloga



dr. Amela Granić  
poslanica u Skupštini Zeničko-dobojskog  
kantona



Godina XXIV - Broj 6

ZENICA, ponedjeljak, 20.05.2019.god.

## SKUPŠTINA

18.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 8. sjednici održanoj dana 20.05.2019. godine, donosi:

**ZAKON O DOPUNAMA  
ZAKONA O UNUTRAŠNjim POSLOVIMA  
ZENIČKO-DOBOJSKOG KANTONA**

**Član 1.  
(Novi član)**

U Zakonu o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18), iza člana 6. dodaje se novi član 6a. koji glasi:

**"Član 6a.  
(Sredstva za rad Uprave policije)**

Sredstva za rad Uprave policije, za period 01.01.2019. – 01.01.2020. godine, osiguravaju se u Budžetu Zeničko-dobojskog kantona u okviru budžetske organizacije Ministarstva unutrašnjih poslova."

**Član 2.  
(Dopuna člana 90.)**

U članu 90. interpunkcijski znak tačka na kraju teksta se briše, dodaje searez i riječi "izuzev odredbi članova 7., 8., 22. stav (1) tačka h), i) i j), člana 60. stav (4), 61. stav (2), 63. stav (2), 64. stav (3), 75. stav (1) i člana 84. stav (2) tačka a), koje će se primjenjivati počev od 01.01.2020. godine".

**Član 3.  
(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2019. godine.

Broj: 01-02-8308/19  
Datum: 20.05.2019. godine  
Zenica

**PREDSJEDAVALA**  
**Amira Hadžić, s.r.**



Godina XXIV - Broj 22

ZENICA, ponedjeljak, 16.12.2019.god.

**SKUPŠTINA**

544.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

**ZAKON O IZMJENAMA  
ZAKONA O UNUTRAŠNJIM POSLOVIMA  
ZENIČKO-DOBOJSKOG KANTONA**

**Član 1.****(Izmjena člana 6a.)**

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18 i 6/19) u članu 6a. tekst "01.01.2019. - 01.01.2020." zamjenjuje se tekstem "01.01.2020. - 01.01.2021."

**Član 2.****(Izmjena člana 90.)**

U članu 90. tekst "01.01.2020." zamjenjuje se tekstem "01.01.2021."

**Član 3.****(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se počev od 01.01.2020. godine.

Broj: 01-02-18175/19  
Datum: 16.12.2019. godine  
Zenica

**PREDSJEDAVAJUĆI****Ćazim Huskić, s.r.**

545.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 16. sjednici održanoj dana 16.12.2019. godine, d o n o s i:

**IZMJENE I DOPUNE BUDŽETA  
ZENIČKO - DOBOJSKOG KANTONA  
ZA 2019. GODINU**

**I. OPĆI DIO****Član 1.****(Sadržaj)**

U Budžetu Zeničko-dobojskog kantona za 2019. godinu („Službene novine Zeničko-dobojskog kantona“ broj:3/19) član 1. mijenja se i glasi:





Godina XXV - Broj 21

ZENICA, četvrtak, 17.12.2020.god.

**SKUPŠTINA**

537.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 29. sjednici održanoj dana 15.12.2020. godine, donosi:

**ZAKON  
O IZMJENAMA ZAKONA O UNUTRAŠNJIM  
POSLOVIMA ZENIČKO-DOBOJSKOG KANTONA**

**Član 1.  
(Izmjena člana 6a.)**

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19 i 22/19) u članu 6a. tekst "01.01.2020. - 01.01.2021." zamjenjuje se tekstem "01.01.2021. - 01.01.2022.".

**Član 2.  
(Izmjena člana 90.)**

U članu 90. tekst "01.01.2021." zamjenjuje se tekstem "01.01.2022.".

**Član 3.  
(Stupanje na snagu)**

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona", a primjenjuje se počev od 01.01.2021. godine.

Broj: 01-02-19390/20  
Datum: 15.12.2020. godine  
Zenica

**PREDSJEDAVALAČI**

Čazim Huskić, s.r.

.....



Godina XXVI - Broj 10

ZENICA, ponedjeljak, 05.07.2021.god.

**SKUPŠTINA**

251.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 34. sjednici održanoj dana 25.06.2021. godine, donosi:

**ZAKON  
O IZMJENAMA I DOPUNI ZAKONA O  
UNUTRAŠNJI POSLOVIMA  
ZENIČKO-DOBOJSKOG KANTONA**

**Član 1.  
(Izmjena člana 33.)**

U Zakonu o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19 i 21/20) u članu 33., tačka d) mijenja se i glasi:

"d) da ima čin glavnog ili samostalnog inspektora i najmanje deset godina radnog iskustva na rukovodećim poslovima policijskog službenika, s tim da se pod rukovodećim radnim iskustvom smatra iskustvo ostvareno u činu višeg inspektora ili iskustvo u višem činu."

**Član 2.  
(Izmjena člana 39.)**

U članu 39., stav (4) riječi "glavnog inspektora" zamjenjuju se riječima "koji je imao prije imenovanja".

**Član 3.  
(Dopuna člana 42.)**

U članu 42., stav (1) iza tačke f) dodaje se tačka g) koja glasi:

"g) u slučaju ispunjavanja uslova za penzionisanje predviđenih zakonom;"

**Član 4.**

(Stupanje na snagu i objavljivanje)

Ovaj zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-9019/21  
Datum: 25.06.2021. godine  
Zenica

**PREDSJEDAVAJUĆI**  
Čazim Huskić, s.r.

252.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 34. sjednici održanoj dana 25.06.2021. godine, donosi:

**ZAKON  
O IZMJENI I DOPUNAMA ZAKONA O JAVNOM  
REDU I MIRU**

**Član 1.**

U Zakonu o javnom redu i miru - Prečišćeni tekst ("Službene novine Zeničko-dobojskog kantona", broj: 12/16 i 6/17), u članu 3. stav 1. iza tačke 28. dodaje se nova tačka 29. koja glasi:

" 29. ko ne postupi po naredbi nadležnog organa kojim se propisuju mjere za zaštitu stanovništva od zaraznih bolesti."

**Član 2.**

U članu 6. iza tačke 4. dodaje se nova tačka 5. koja glasi:

" 5. za prekršaj iz člana 3. stav 1. tačka 29., novčanom kaznom od 100 do 500 KM".



## SKUPŠTINA

344.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj 17.09.2018. godine, donosi

- (2) Rad Ministarstva zasniva se na Ustavu Bosne i Hercegovine, Ustavu Federacije Bosne i Hercegovine, Ustavu Zeničko-dobojskog kantona te zakonima i drugim propisima Bosne i Hercegovine, Federacije Bosne i Hercegovine (u daljem tekstu: Federacija) i Kantona.

**ZAKON  
O UNUTRAŠNJIM POSLOVIMA  
ZENIČKO-DOBOJSKOG KANTONA**

## DIO PRVI – OSNOVNE ODREDBE

**Član 1.  
(Predmet zakona)**

Ovim Zakonom se uređuju unutrašnji poslovi iz nadležnosti Zeničko-dobojskog kantona (u daljem tekstu: Kanton), organizacija i nadležnost Ministarstva unutrašnjih poslova Zeničko-dobojskog kantona (u daljem tekstu: Ministarstvo), rukovođenje Ministarstvom, rukovođenje Upravom policije, imenovanje, sastav i funkcionisanje Nezavisnog odbora, konkursna procedura, te imenovanje i mandat policijskog komesara, ocjena rada, postupak smjene i razrješenja i disciplinska odgovornost policijskog komesara, imenovanje, sastav i funkcionisanje Ureda za pritužbe javnosti, zaposlenici Ministarstva, dan policije i nagrađivanje, međusobni odnosi i saradnja Ministarstva sa Ministarstvom sigurnosti Bosne i Hercegovine i drugim ministarstvima unutrašnjih poslova u Bosni i Hercegovini, policijskim organima, organima uprave i jedinicama lokalne samouprave u Kantonu, te druga pitanja od značaja za rad, organizaciju i ostvarivanje funkcije Ministarstva.

**Član 2.  
(Pravni osnov za rad Ministarstva)**

- (1) Unutrašnje poslove na teritoriji Kantona vrši Ministarstvo.

**Član 3.  
(Principi policijske službe)**

Svi propisi iz nadležnosti Ministarstva i Uprave policije, moraju biti u skladu sa Međunarodno prihvaćenim principima policijske službe u demokratskoj državi, koje je Federacija usvojila 25. aprila 1996. godine u Bonn - Petersburgu.

**Član 4.  
(Nacionalna zastupljenost)**

Nacionalni sastav zaposlenih u Ministarstvu i Upravi policije odražava nacionalnu strukturu stanovništva na teritoriji koju obuhvata Kanton prema popisu stanovništva iz 1991. godine.

**Član 5.  
(Ravnopravnost spolova)**

Gramatička terminologija u ovom Zakonu podrazumijeva uključivanje oba spola.

**Član 6.  
(Pravni status Uprave policije)**

- (1) Uprava policije je kantonalna uprava u sastavu Ministarstva, čija se nadležnost, organizacija, rukovođenje, način rada i druga pitanja koja su od značaja za rad i funkcionisanje Uprave policije u okviru Ministarstva uređuje ovim zakonom.
- (2) Uprava policije je policijski organ, koji vrši policijske poslove i ima operativnu samostalnost.

**Član 7.****(Budžetski status Uprave policije)**

- (1) Uprava policije ima status budžetskog korisnika unutar budžetskog razdjela Ministarstva i samostalno koristi sredstva za:
- plaće,
  - materijalne troškove, uključujući kapitalne izdatke,
  - posebne namjene,
  - opremu,
  - školovanje kadeta i specijalizaciju i
  - druge pripadajuće troškove vezane za poslove iz člana 19. ovog zakona.
- (2) Sredstva potrebna za rad Uprave policije koja nisu obuhvaćena stavom (1) ovog člana, osiguravaju se na budžetskoj poziciji Ministarstva.
- (3) Za obavljanje određenih poslova iz člana 19. tačka c) i d) ovog zakona formira se kasa za posebne namjene, za koju se finansijska sredstva osiguravaju u okviru budžetskih sredstava Uprave policije iz stava (1) ovog člana.
- (4) Na prijedlog policijskog komesara, ministar pravilnikom propisuje uvjete, način i postupak korištenja odobrenih finansijskih sredstava, kao i druga pitanja koja su od značaja za funkcionisanje kase za posebne namjene.
- (5) Vlada Kantona i ministar dužni su osigurati sve uvjete za samostalan i nesmetan rad Uprave policije radi efikasnog obavljanja svih poslova iz njene nadležnosti i omogućiti Upravi policije da samostalno koristi sredstva za rad.

**Član 8.****(Priprema i izvršenje budžeta)**

- Policijski komesar priprema zahtjev za budžetska sredstva Uprave policije i dostavlja ministru.
- Zahtjev za dodjelu budžetskih sredstava Ministarstva, uključujući i sredstva iz stava (1) ovog člana, ministar dostavlja, putem Ministarstva finansija, Vladi Kantona na dalje postupanje.
- Na procedure pripreme i podnošenje zahtjeva za budžetska sredstva Ministarstvu i Upravi policije, kao i druga pitanja koja se odnose na odgovornost za računovodstvo, internu kontrolu, nadzor i zakonitost

raspolaganja budžetskim sredstvima, shodno se primjenjuju odredbe posebnih propisa kojima su uređena navedena pitanja.

**Član 9.****(Unutrašnji poslovi)**

Unutrašnji poslovi iz nadležnosti Kantona su:

- zaštita ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona;
- zaštita života i imovine, kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona;
- sprečavanje i borba protiv kriminaliteta i ostalih oblika protivpravnog ponašanja;
- otkrivanje i učešće u rasvjetljavanju kriminaliteta i ostalih oblika protivpravnog ponašanja;
- kriminalističko - tehnička vještačenja;
- održavanje javnog reda i mira;
- sigurnost, kontrola i regulisanje saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona;
- izdavanje odobrenja za nabavljanje, držanje i nošenje oružja i municije, vođenja propisanih evidencija, te kontrola istih;
- poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona.
- poslovi i zadaci koji se odnose na održavanje javnih okupljanja;
- posebno osiguranje određenih ličnosti i objekata na području Kantona;
- poslovi i zadaci policije koje Ministarstvu povjere tužilaštva i sudovi u Bosni i Hercegovini;
- izdavanje, poništavanje i zamjena ličnih karata i jedinstvenog matičnog broja građana i vođenje evidencija;
- izdavanje, poništavanje i zamjena putnih isprava i vođenje evidencija;
- registracija motornih vozila, izdavanje vozačkih dozvola i isprava o vozilu i vođenje evidencija;
- prijavljivanje i odjavljivanje prebivališta i boravišta građana i vođenje evidencija;

- r) provođenje postupaka za promjenu ličnog imena, utvrđivanje identiteta i promjenu spola;
- s) poslovi sticanja državljanstva Federacije BiH i promjene entitetskog državljanstva;
- t) čuvanje drugog primjerka matičnih knjiga u elektronskom obliku;
- u) vođenje kaznenih i prekršajnih evidencija u skladu sa važećim propisima;
- v) inspekcijski nadzor nad vođenjem matičnih knjiga i matičnog registra;
- z) inspekcijski nadzor zaštite od požara i eksplozija iz nadležnosti Ministarstva;
- aa) inspekcijski nadzor nad prometom i skladištenjem eksplozivnih, zapaljivih i ostalih opasnih materija koji su u nadležnosti Kantona;
- ab) inspekcijski nadzor i poslovi koji se odnose na rad agencija za zaštitu ljudi i imovine i unutrašnje službe zaštite;
- ac) pružanje pomoći građanstvu u vanrednim okolnostima;
- ad) poslovi modernizacije i opremanja za informacijski i radiorelejni sistem Ministarstva i Uprave policije i izrada projekata računarske obrade podataka;
- ae) saradnja sa državnim, entitetskim i kantonalnim ministarstvima nadležnim za poslove sigurnosti i unutrašnje poslove;
- af) pružanje pomoći organima uprave i pravnim licima koja vrše javna ovlaštenja u skladu sa zakonom;
- ag) obavljanje drugih poslova i zadataka koje Federalno ministarstvo unutrašnjih poslova (u daljem tekstu: Federalno ministarstvo) ili drugi organ uprave u Bosni i Hercegovini povjeri Ministarstvu iz svoje nadležnosti;
- ah) upravni i drugi poslovi i zadaci koji su u nadležnost Ministarstva, u skladu sa ovim i drugim zakonima.

#### Član 10.

##### (Izveštavanje o radu Ministarstva i Uprave policije)

- (1) Ministar je obavezan da jednom godišnje, a po potrebi i češće podnosi izvještaj o radu Ministarstva koji obuhvata i izvještaj iz nadležnosti rada Uprave policije koji izrađuje Uprava policije.
- (2) Izvještaj iz stava (1) ovog člana podnosi se Vladi Kantona, a Vlada Kantona podnosi Skupštini Kantona.

#### Član 11.

##### (Ličnosti i objekti koji se posebno osiguravaju)

Na prijedlog ministra Vlada Kantona donosi Uredbu o osiguranju ličnosti i objekata Kantona koji se posebno osiguravaju.

#### Član 12.

##### (Zaštitni znak Ministarstva)

- (1) Ministarstvo ima zaštitni znak.
- (2) Na prijedlog ministra Vlada Kantona donosi Uredbu o obliku, sadržaju i načinu korištenja zaštitnog znaka Ministarstva.

#### Član 13.

##### (Obilježavanje i korištenje vozila Ministarstva i Uprave policije)

Ministar donosi pravilnik kojim se uređuje način obilježavanja i korištenja vozila Ministarstva, a uz saglasnost policijskog komesara za vozila Uprave policije.

## DIO DRUGI – ORGANIZACIJA MINISTARSTVA I UPRAVE POLICIJE

### POGLAVLJE I. UNUTRAŠNJA ORGANIZACIJA MINISTARSTVA I UPRAVE POLICIJE

#### Odjeljak A. Unutrašnja organizacija

#### Član 14.

##### (Unutrašnja organizacija Ministarstva i Uprave policije)

Unutrašnja organizacija Ministarstva i Uprave policije uređuje se Pravilnikom o unutrašnjoj organizaciji Ministarstva u skladu sa ovim zakonom i drugim propisima.

#### Član 15.

##### (Pravilnik o unutrašnjoj organizaciji)

- (1) Pravilnik o unutrašnjoj organizaciji Ministarstva donosi ministar uz saglasnost Vlade Kantona.
- (2) Odredbe Pravilnika iz stava (1) ovog člana koje se odnose na unutrašnju organizaciju Uprave policije predlaže policijski komesar.
- (3) Pravilnikom iz stava (1) i (2) ovog člana utvrđuju se:
  - a) organizacione jedinice i njihov djelokrug rada;

- b) sistematizacija radnih mjesta, koja obuhvata: naziv radnog mjesta, opis poslova, uslove za obavljanje poslova, čin za radna mjesta policijskih službenika, status izvršilaca, broj izvršilaca, vrstu djelatnosti, naziv grupe u koju spadaju poslovi, složenost poslova i druge elemente;
- c) način rukovođenja Ministarstvom, Upravom policije i njihovim organizacionim jedinicama;
- d) odgovornost i ovlaštenja rukovodećih državnih i policijskih službenika;
- e) sastav stručnog kolegija, način rada i pitanja o kojima raspravlja;
- f) broj pripravnika za radna mjesta državnih službenika i namještenika i uslovi za prijem pripravnika;
- g) programiranje i planiranje rada;
- h) način ostvarivanja prava i dužnosti iz radnog odnosa i disciplinska odgovornost;
- i) ostvarivanje javnosti rada;
- j) saradnja u vršenju poslova i zadataka i
- k) druga pitanja od značaja za organizaciju i način rada Ministarstva.

#### Odjeljak B. Osnovne organizacione jedinice Ministarstva

##### Član 16. (Organizacione jedinice)

- (1) Osnovne organizacione jedinice Ministarstva su:
  - a) Kabinet ministra;
  - b) Sektor za administraciju;
  - c) Sektor za podršku i
  - d) Inspektorat.
- (2) Pravilnikom o unutrašnjoj organizaciji Ministarstva mogu se utvrditi i druge osnovne organizacione jedinice.
- (3) Unutar osnovnih organizacionih jedinica iz stava (1) i (2) ovog člana utvrđuju se unutrašnje organizacione jedinice, kako bi se na adekvatan i efikasan način osiguralo vršenje poslova iz njihove nadležnosti.

##### Član 17.

#### (Nadležnosti organizacionih jedinica Ministarstva)

U okviru poslova iz člana 9. ovog zakona, Ministarstvo, preko svojih osnovnih i unutrašnjih organizacionih jedinica, obavlja sljedeće poslove:

- a) izdavanje, poništavanje i zamjena ličnih karata i jedinstvenog matičnog broja građana i vođenje evidencija;
- b) izdavanje, poništavanje i zamjena putnih isprava i vođenje evidencija;
- c) registracija motornih vozila, izdavanje vozačkih dozvola i isprava o vozilu i vođenje evidencija;
- d) prijavljivanje i odjavljivanje prebivališta i boravišta građana i vođenje evidencija;
- e) provođenje postupaka za promjenu ličnog imena, utvrđivanje identiteta i promjenu spola;
- f) poslovi sticanja državljanstva Federacije BiH i promjene entitetskog državljanstva;
- g) čuvanje drugog primjerka matičnih knjiga u elektronskom obliku;
- h) inspekcijski nadzor nad vođenjem matičnih knjiga i matičnog registra;
- i) inspekcijski nadzor nad zaštitom od požara i eksplozija iz nadležnosti Ministarstva;
- j) inspekcijski nadzor nad prometom i skladištenjem eksplozivnih, zapaljivih i ostalih opasnih materija koji su u nadležnosti Kantona;
- k) inspekcijski nadzor i poslovi koji se odnose na rad agencija za zaštitu ljudi i imovine i unutrašnje službe zaštite;
- l) upravni i drugi poslovi i zadaci koji su u nadležnost Ministarstva, u skladu sa ovim i drugim zakonima.
- m) drugi poslovi propisani zakonom.

#### Odjeljak C. Uprava policije

##### Član 18.

#### (Unutrašnja organizacija Uprave policije)

- (1) Osnovne organizacione jedinice Uprave policije su:
  - a) Ured policijskog komesara,
  - b) Sektor uniformisane policije,

- c) Sektor kriminalističke policije,
  - d) Sektor za pravne, kadrovske i logističke poslove,
  - e) Jedinica za profesionalne standarde i
  - f) Policijske uprave.
- (2) Pravilnikom o unutrašnjoj organizaciji Ministarstva mogu se utvrditi i druge osnovne organizacione jedinice u Upravi policije.
- (3) Unutar osnovnih organizacionih jedinica, Pravilnikom o unutrašnjoj organizaciji Ministarstva mogu se utvrditi unutrašnje organizacione jedinice, kako bi se na adekvatan i efikasan način osiguralo vršenje poslova iz nadležnosti osnovnih organizacionih jedinica Uprave policije.
- (4) Ministar na prijedlog policijskog komesara pravilnikom propisuje način rada Jedinice za profesionalne standarde.
- Član 19.**  
(Nadležnosti Uprave policije)
- U okviru poslova iz člana 9. ovog zakona, Uprava policije, preko svojih osnovnih i unutrašnjih organizacionih jedinica, uz potpunu operativnu samostalnost, obavlja sljedeće poslove:
- a) zaštita ustavom utvrđenog poretka i sprečavanje ugrožavanja tog poretka i sigurnosti u skladu sa ustavima Bosne i Hercegovine, Federacije Bosne i Hercegovine i Kantona;
  - b) zaštita života i imovine kao i drugih prava i sloboda utvrđenih ustavima Bosne i Hercegovine, Federacije Bosne i Hercegovine i Kantona;
  - c) sprečavanje i borba protiv kriminaliteta i ostalih oblika protivpravnog ponašanja koji su u isključivoj nadležnosti Uprave policije;
  - d) otkrivanje i učešće u rasvjetljavanju kriminaliteta i ostalih oblika protivpravnog ponašanja koji su u isključivoj nadležnosti Uprave policije;
  - e) kriminalističko - tehnička vještačenja i poslovi kontradiverziona zaštite;
  - f) održavanje javnog reda i mira;
  - g) poslovi sigurnosti, kontrole i regulisanja saobraćaja na putevima Kantona, te drugi poslovi sigurnosti u oblasti saobraćaja utvrđeni posebnim zakonom i podzakonskim aktima i poslovi kontrole kretanja oružja i vojne opreme na području Kantona;
  - h) poslovi izdavanja odobrenja za nabavljanje, držanje i nošenje oružja i municije, vođenja propisanih evidencija te kontrola istih;
  - i) poslovi koji se odnose na oblast proizvodnje, prometa i skladištenja eksplozivnih, zapaljivih i opasnih materija iz nadležnosti Kantona;
  - j) poslovi i zadaci koji se odnose na održavanje javnih okupljanja;
  - k) posebno osiguranje određenih ličnosti i objekata na području Kantona;
  - l) poslovi i zadaci policije koje Ministarstvu povjere tužilaštva i sudovi u Bosni i Hercegovini;
  - m) poslovi koji se odnose na rad agencija za zaštitu ljudi i imovine i unutrašnjih službi zaštite;
  - n) pružanje pomoći građanstvu u vanrednim okolnostima;
  - o) pružanje pomoći organima uprave i pravnim licima koja vrše javna ovlaštenja u skladu sa zakonom;
  - p) prikupljanje i analiza informacija i podataka iz tačke c) ovog člana, kao i procjena stanja u oblasti unutrašnjih poslova u Kantonu;
  - r) vođenje kaznenih i prekršajnih evidencija u skladu sa važećim propisima;
  - s) vođenje operativnih i drugih službenih evidencija potrebnih za obavljanje poslova, u skladu sa važećim zakonima i drugim propisima;
  - t) razmjena informacija sa tužilaštvima, sudovima i drugim policijskim organima u Bosni i Hercegovini;
  - u) saradnja sa drugim sigurnosnim agencijama i drugim organima u Bosni i Hercegovini u okviru poslova Uprave policije;
  - v) poslovi i zadaci koje Federalna uprava policije iz svoje nadležnosti povjeri Upravi policije;
  - z) izrada plana i programa rada iz nadležnosti Uprave policije;
  - aa) donošenje planova radi izvršenja policijskih poslova;
  - ab) poslovi kontinuirane edukacije zaposlenika;
  - ac) poslovi modernizacije i opremanja za informacioni i radiorelejni sistem Ministarstva i Uprave policije i izrada projekata računarske obrade podataka;
  - ad) druge poslove i zadatke utvrđene zakonom i drugim propisima.

**POGLAVLJE II. RUKOVOĐENJE****Odjeljak A. Rukovođenje Ministarstvom****Član 20.  
(Ovlaštenja ministra)**

- (1) Ministarstvom rukovodi ministar.
- (2) U cilju provođenja zakona, kantonalne politike i prioriteta u vezi sa unutrašnjim poslovima i izvršavanja zadataka povjerenih od strane Vlade Kantona, pored zadataka utvrđenih drugim zakonima, ministar:
  - a) predstavlja Ministarstvo;
  - b) osigurava provođenje zakona i drugih propisa i efikasno funkcionisanje Ministarstva;
  - c) predlaže donošenje propisa iz nadležnosti Ministarstva;
  - d) donosi provedbene propise i druge opće i pojedinačne akte za koje je zakonom ovlašten;
  - e) organizuje rad Ministarstva;
  - f) odlučuje u upravnim stvarima u skladu sa zakonom;
  - g) organizuje jedinstven sistem izvještavanja i obrade podataka u oblasti unutrašnjih poslova neophodnih za vršenje poslova Ministarstva;
  - h) obavještava javnost o radu Ministarstva i Uprave policije, a o načinu obavještavanja donosi podzakonski akt uz saglasnost policijskog komesara;
  - i) utvrđuje potrebe, određuje i osigurava provođenje programa stručnog osposobljavanja i usavršavanja zaposlenika Ministarstva;
  - j) osigurava saradnju Ministarstva sa drugim državnim organima u Bosni i Hercegovini;
  - k) daje mišljenje na predloženu godišnju ocjenu o radu policijskog komesara na način predviđen u članu 41. stav (3) ovog zakona;
  - l) upravlja i usmjerava obavljanje poslova iz djelokruga rada organizacionih jedinica, izuzev poslova propisanih članom 19. ovog zakona;
  - m) imenuje upravne i druge stručne komisije i odgovarajuća radna tijela;
  - n) odlučuje o nabavci i korištenju sredstava za rad Ministarstva, osim sredstava utvrđenih za namjene iz člana 7. ovog zakona;

o) odlučuje o sljedećim pravima iz radnog odnosa policijskog komesara: plaći, naknadama, godišnjem odmoru i drugim odsustvima u skladu sa zakonom;

p) odlučuje o pravima, obavezama i odgovornostima iz radnog odnosa državnih službenika i namještenika Ministarstva, osim državnih službenika i namještenika iz Uprave policije;

r) daje smjernice policijskom komesaru u vezi sa općim pitanjima sigurnosti;

s) izvršava i druge poslove i zadatke propisane zakonom.

**Član 21.  
(Odsustvo ministra)**

(1) Ukoliko ministar zbog prestanka mandata, smjene, ostavke, bolesti, odsustva ili drugih stvarnih ili pravnih razloga ne može vršiti svoja ovlaštenja, radi nesmetanog rada Ministarstva, sekretar Ministarstva obavlja te poslove.

(2) Za vrijeme dok zamjenjuje ministra u njegovom odsustvu, sekretar Ministarstva ima sva prava, obaveze i ovlaštenja ministra predviđena u članu 20. ovog zakona.

**Odjeljak B. Rukovođenje Upravom policije****Član 22.  
(Ovlaštenja policijskog komesara)**

- (1) Policijski komesar rukovodi Upravom policije i ovlašten je da:
  - a) predstavlja Upravu policije, organizira i osigurava obavljanje svih poslova iz nadležnosti Uprave policije;
  - b) nadgleda i usmjerava aktivnosti Uprave policije kojom rukovodi prema godišnjem planu rada Uprave policije i obavezama u rukovođenju iz ovog člana;
  - c) odlučuje u upravnim stvarima iz nadležnosti Uprave policije;
  - d) donosi propise i predlaže ministru donošenje propisa iz nadležnosti Uprave policije za koje je ovlašten zakonom;
  - e) odlučuje o zasnivanju i prestanku radnog odnosa, kao i o pravima i obavezama iz radnog odnosa policijskih službenika;
  - f) odlučuje o pravima, obavezama i odgovornostima iz radnog odnosa državnih službenika i namještenika u Upravi policije;



- g) odlučuje o disciplinskoj odgovornosti policijskih službenika za lakše povrede službene dužnosti na način propisan zakonom;
- h) priprema prijedloge potrebnih finansijskih i drugih sredstava za rad Uprave policije;
- i) odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije;
- j) priprema tromjesečne izvještaje i preporuke u vezi sa realizacijom budžeta koje podnosi ministru;
- k) imenuje stručne komisije i odgovarajuća radna tijela u vezi sa poslovima iz nadležnosti Uprave policije;
- l) utvrđuje potrebe, određuje i osigurava provođenje programa stručnog osposobljavanja i usavršavanja zaposlenika Uprave policije;
- m) organizuje jedinstven sistem izvještavanja i obrade podataka neophodnih za vršenje poslova Uprave policije;
- n) ostvaruje saradnju sa drugim policijskim organima i agencijama za sprovođenje zakona u Bosni i Hercegovini, te saraduje sa tužilaštvima, sudovima i drugim nadležnim pravosudnim organima o pitanjima iz nadležnosti Uprave policije;
- o) priprema programe, informacije, analize i druge materijale iz djelokruga rada Uprave policije na zahtjev ministra, Vlade Kantona ili Skupštine Kantona;
- p) redovno izvještava ministra o poduzetim aktivnostima Uprave policije, a odmah o događajima i rezultatima poduzetih aktivnosti koje imaju značaj za sigurnost građana i interese Kantona, na osnovu sporazuma između ministra i policijskog komesara;
- r) sačinjava godišnji izvještaj o svom radu i isti dostavlja ministru;
- s) obavještava javnost o radu Uprave policije, na osnovu podzakonskog akta iz člana 20. stav (2) tačka h) ovog zakona;
- t) dostavlja informacije i statističke podatke Federalnoj upravi policije u vezi sa poslovima iz nadležnosti Federalne uprave policije koji su povjereni Upravi policije;
- u) organizuje i nadzire osiguranje određenih ličnosti i objekata;
- v) mjesečno izvještava Nezavisni odbor o rezultatima svog rada;
- z) odobrava upotrebu Specijalne policijske jedinice i Jedinice za sprečavanje narušavanja javnog reda i mira u većem obimu;
- aa) donosi instrukcije, uputstva i planove radi izvršavanja policijskih poslova;
- ab) vrši druge poslove koji su propisani ovim i drugim zakonom.
- (2) Policijski komesar je samostalan u operativnom planiranju i provođenju policijskih aktivnosti.
- (3) Policijski komesar za svoj rad odgovoran je ministru i Vladi Kantona.
- (4) Policijski komesar može ovlastiti načelnika Sektora uniformisane policije i načelnika Sektora kriminalističke policije da vrše određene poslove iz stava (1) ovog člana.

### Član 23.

#### (Odsustvo policijskog komesara)

- (1) Ukoliko policijski komesar, zbog prestanka mandata, smjene, ostavke, bolesti, odsustva ili drugih stvarnih ili pravnih razloga ne može vršiti svoja ovlaštenja u rukovođenju Upravom policije, te poslove vrši načelnik Sektora uniformisane policije, sve dok policijski komesar ne bude u stanju da ponovo preuzme svoju dužnost ili dok se ne imenuje novi policijski komesar.
- (2) U slučaju iz stava (1) ovog člana načelnik Sektora uniformisane policije preuzima dužnosti u momentu nastupanja okolnosti izuzev u slučajevima smjene, ostavke i isteka mandata kada dužnost preuzima narednog dana nakon donošenja rješenja o smjeni, ostavci ili isteku mandata.
- (3) Za vrijeme dok zamjenjuje policijskog komesara u njegovom odsustvu, načelnik Sektora uniformisane policije ima sva prava, obaveze i ovlaštenja policijskog komesara predviđena u članu 22. ovog zakona.
- (4) Ukoliko je načelnik Sektora uniformisane policije, zbog pravnih ili stvarnih razloga spriječen da vrši poslove iz stava (1) ovog člana, načelnik Sektora kriminalističke policije zamjenjuje policijskog komesara i ostvaruje prava, obaveze i ovlaštenja predviđena u članu 22. ovog zakona.
- (5) Ukoliko policijskom komesaru prestane mandat zbog smjene, prihvatanja ostavke, isteka mandata ili nemogućnosti da ponovo preuzme poslove, Vlada Kantona imenuje novog policijskog komesara u skladu sa ovim zakonom.

**POGLAVLJE III. POSTUPAK IMENOVANJA,  
MANDAT, OCJENA RADA,  
POSTUPAK SMJENE I  
RAZRJEŠENJA, DISCIPLINSKA  
ODGOVORNOST I SUSPENZIJA  
POLICIJSKOG KOMESARA**

**Odjeljak A. Nadležnost i imenovanje Nezavisnog odbora**

**Član 24.  
(Nezavisni odbor)**

- (1) Nezavisni odbor je tijelo Skupštine Kantona koje objavljuje konkurs i provodi postupak odabira kandidata za policijskog komesara (u daljem tekstu: odabir kandidata), prati rad policijskog komesara i obavlja druge poslove određene ovim zakonom.
- (2) Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Nezavisni odbor.
- (3) Konkurs se objavljuje u "Službenim novinama Zeničko-dobojskog kantona" i u najmanje dva dnevna lista koja se distribuiraju na cijeloj teritoriji Bosne i Hercegovine.
- (4) Konkurs za imenovanje Nezavisnog odbora sadrži:
  - a) nadležnost Nezavisnog odbora;
  - b) uslove iz člana 26. ovog zakona;
  - c) spisak potrebnih dokumenata koje kandidat prilaze uz prijavu, kao i onih koji se pribavljaju po službenoj dužnosti.
- (5) Rok za podnošenje prijave je 15 dana od dana zadnjeg objavljivanja konkursa.
- (6) Nezavisni odbor radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.

**Član 25.  
(Sastav Nezavisnog odbora)**

- (1) Nezavisni odbor se sastoji od sedam članova koji nisu zaposleni u Ministarstvu i Upravi policije kao i drugim ministarstvima unutrašnjih poslova i policijskim organima u Bosni i Hercegovini.
- (2) Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke.

- (3) Sastav Nezavisnog odbora odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

**Član 26.  
(Uslovi za imenovanje Nezavisnog odbora)**

Član Nezavisnog odbora mora ispunjavati sljedeće uslove:

- a) da je državljanin Bosne i Hercegovine;
- b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje sedam godina radnog iskustva u struci, prioritarno u oblasti pravnih, kriminalističkih, kriminoloških, bezbjednosnih ili drugih društvenih nauka;
- c) da nije član političke stranke;
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
- f) da nije osuđivan za krivično djelo;
- g) da se protiv njega ne vodi krivični postupak;
- h) da mu nije izrečena disciplinska sankcija za teže povrede službene dužnosti.

**Član 27.  
(Sukob interesa)**

- (1) Član Nezavisnog odbora ne smije biti u sukobu interesa u vezi sa radom Uprave policije i Ministarstva.
- (2) Sukob interesa iz stava (1) ovog člana postoji kada lice predloženo za imenovanje za člana Nezavisnog odbora ima lični interes u policijskim poslovima, koji može uticati na zakonitost, transparentnost, objektivnost i nepristrasnost u obavljanju poslova člana Nezavisnog odbora, kao i u drugim slučajevima propisanim zakonom.

**Član 28.  
(Imenovanje i trajanje mandata Nezavisnog odbora)**

- (1) Članovi Nezavisnog odbora se imenuju na mandat od četiri godine.
- (2) Mandat člana Nezavisnog odbora može se obnoviti samo jednom uzastopno.

(3) Postupak izbora Nezavisnog odbora pokreće se najkasnije šest mjeseci prije isteka mandata postojećeg Nezavisnog odbora.

(4) Ukoliko mandat Nezavisnog odbora istekne prije imenovanja novog Nezavisnog odbora postojeći Nezavisni odbor nastavlja vršiti svoje dužnosti sve do imenovanja novog Nezavisnog odbora.

(5) Procedura imenovanja i razrješenja članova Nezavisnog odbora provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 11/13).

#### Član 29.

##### (Finansiranje Nezavisnog odbora)

(1) Rad Nezavisnog odbora finansira se sa budžetske pozicije Skupštine Kantona.

(2) Članovi Nezavisnog odbora imaju pravo na naknadu za svoj rad a visinu naknade utvrđuje Skupština Kantona.

#### Član 30.

##### (Nadležnost Nezavisnog odbora)

(1) Nadležnost Nezavisnog odbora je da:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) prati rad policijskog komesara i utvrđuje prijedlog godišnje ocjene o radu policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine Kantona sačinjava i dostavlja dodatni izvještaj o svom radu;
- e) predlaže razrješenje policijskog komesara Vladi Kantona u skladu sa ovim zakonom;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona;

(2) Administrativne poslove za Nezavisni odbor obavlja Stručna služba Skupštine Kantona.

#### Član 31.

##### (Funkcionisanje i odlučivanje Nezavisnog odbora)

(1) Nezavisni odbor je dužan najkasnije u roku od 15 dana od dana imenovanja, u punom sazivu, održati konstituirajuću sjednicu i usvojiti Poslovnik o radu na koji saglasnost daje Skupština Kantona.

(2) Članovi Nezavisnog odbora na prvoj konstituirajućoj sjednici između sebe biraju predsjedavajućeg, koji se po principu rotacije mijenjaju u skladu sa poslovníkom o radu.

(3) Nezavisni odbor se sastaje najmanje jedanput mjesečno.

(4) Nezavisni odbor može zasjedati ukoliko je prisutno pet od sedam članova.

(5) Na redovnim sjednicama Nezavisni odbor donosi odluke, za koje su glasala najmanje četiri člana.

(6) Na sjednicama na kojima se odlučuje o izboru, prijedlogu o smjeni i godišnjoj ocjeni rada policijskog komesara, Nezavisni odbor donosi odluke za koje je glasalo najmanje pet članova.

(7) Odluke se donose javno, a zapisnik o glasanju članova Nezavisnog odbora koji sadrži izjašnjenje svakog člana je dostupan javnosti.

#### Član 32.

##### (Postupak i uslovi za razrješenje člana Nezavisnog odbora)

(1) Skupština Kantona razrješava dužnosti člana Nezavisnog odbora u sljedećim slučajevima i to:

- a) ako prestane ispunjavati bilo koji od uslova na osnovu kojih je imenovan za člana Nezavisnog odbora;
- b) ako ne obavlja poslove u skladu sa zakonom i usvojenim poslovníkom o radu;
- c) ako neopravdano ne prisustvuje uzastopno na tri sjednice Nezavisnog odbora;
- d) ako, prema ocjeni nadležne zdravstvene institucije, postane trajno nesposoban za obavljanje poslova;
- e) ako postoji sukob interesa propisan članom 27. ovog zakona,
- f) na njegov lični zahtjev.

(2) U slučaju prestanka mandata usljed razrješenja ili smrti člana Nezavisnog odbora mandat novog člana koji je imenovan u skladu sa propisanim uslovima iz člana 26. ovog zakona traje do isteka mandata Nezavisnog odbora iz člana 28. stav (1) ovog zakona.

#### **Odjeljak B. Konkursna procedura, imenovanje i mandat policijskog komesara**

##### **Član 33.**

##### **(Uslovi za imenovanje policijskog komesara)**

Kandidat za policijskog komesara mora ispunjavati sljedeće uslove:

- a) da je državljanin Bosne i Hercegovine;
- b) da je zdravstveno sposoban za vršenje poslova;
- c) da ima najmanje VII stepen školske spremne ili najmanje završen prvi ciklus visokog obrazovanja bolonjskog sistema studiranja sa 240 ECTS bodova;
- d) da ima najmanje tri godine u činu glavnog inspektora;
- e) da nije pravosnažno osuđivan za krivično djelo;
- f) da se protiv njega ne vodi krivični postupak u skladu sa zakonima o krivičnom postupku u Bosni i Hercegovini;
- g) da nije disciplinski kažnjavao za teže povrede službene dužnosti;
- h) da se na njega ne odnosi odredba člana IX stav 1. Ustava Bosne i Hercegovine;
- i) da na dan početka mandata ne ispunjava uslove za penzionisanje predviđene zakonom;
- j) da nije bio član političke stranke nakon stupanja na snagu Zakona o policijskim službenicima Zeničko-dobojskog kantona - prečišćeni tekst ("Službene novine Zeničko-dobojskog kantona", broj: 4/14 i 2/18), (u daljem tekstu: Zakon o policijskim službenicima) ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs;
- k) da nije bio na bilo kojoj poziciji u političkoj stranci na bilo kojem nivou i da nije bio postavljen na bilo koju poziciju od strane političke stranke nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen, u vrijeme prijavljivanja na konkurs;

l) da nije bio član izvršnog ili zakonodavnog tijela na bilo kojem nivou vlasti u Bosni i Hercegovini, nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijavljivanja na konkurs.

##### **Član 34.**

##### **(Konkursna procedura)**

- (1) Nezavisni odbor objavljuje javni konkurs najkasnije u roku 3 (tri) mjeseca prije isteka mandata policijskog komesara.
- (2) U slučaju razrješenja policijskog komesara, javni konkurs raspisuje se u roku od 15 dana od dana razrješenja.
- (3) Javni konkurs objavljuje se u "Službenim novinama Federacije Bosne i Hercegovine" i u najmanje dva dnevna lista koji se distribuiraju na cijeloj teritoriji Bosne i Hercegovine.
- (4) Rok za podnošenje prijave je 15 dana od dana zadnjeg objavljivanja konkursa.
- (5) Tokom provođenja konkursa primjenjuje se princip transparentnosti i zakonitosti.

##### **Član 35.**

##### **(Kriteriji odabira)**

- (1) Kandidati koji ispunjavaju uslove konkursa dostavljaju svoj prijedlog plana i programa rada za vrijeme trajanja mandata.
- (2) Pored razgovora, u procesu odabira kandidata Nezavisni odbor uzima u obzir sljedeće kvalifikacije:
  - a) stručno usavršavanje;
  - b) godine policijskog iskustva na rukovodećim radnim mjestima;
  - c) ocjenu rada u posljednje tri godine i
  - d) ostale kvalifikacije koje odgovaraju potrebama radnog mjesta.
- (3) Pored dokumentacije iz člana 33. ovog zakona, kandidat koji se poziva na razgovor dostavlja i dokumentaciju kojom dokazuje kvalifikacije iz stava (2) ovog člana.
- (4) Nezavisni odbor sačinjava rang listu kandidata na osnovu rezultata razgovora, ocjene kvalifikacija i predloženog plana rada iz stava (1) i (2) ovog člana.

**Član 36.**

**(Postupak sačinjavanja rang liste kandidata za policijskog komesara)**

- (1) Nezavisni odbor razmatra prijave kandidata, provjerava dokumentaciju kandidata i u skladu sa propisanim uslovima iz člana 33. i kriterijima iz člana 35. ovog zakona utvrđuje rang listu od najmanje dva kandidata.
- (2) Rang listu sa obrazloženjem Nezavisni odbor dostavlja ministru u roku od 20 dana od dana isteka roka za podnošenje prijava na konkurs.

**Član 37.**

**(Prijedlog Vladi Kantona)**

- (1) Najkasnije u roku od osam dana od prijema rang liste iz člana 36. stav (2) ovog zakona, ministar upućuje prijedlog sa imenima dva najbolje rangirana kandidata i obrazloženje Nezavisnog odbora Vladi Kantona radi imenovanja jednog od kandidata za policijskog komesara.
- (2) Ukoliko ministar ne uputi prijedlog kandidata u roku iz stava (1) ovog člana, Nezavisni odbor dostavlja rang listu sa imenima dva najbolje rangirana kandidata direktno Vladi Kantona, koja će imenovati jednog od kandidata za policijskog komesara.

**Član 38.**

**(Ponavljanje procesa izbora i prijedlog jednog kandidata)**

- (1) Ukoliko Nezavisni odbor na osnovu objavljenog konkursa ne može sačiniti listu od dva kandidata koji ispunjavaju uslove konkursa, konkurs će se ponoviti u roku od 15 dana od dana okončanja objavljenog konkursa.
- (2) Ukoliko se po ponovljenom konkursu ne može sačiniti rang lista od dva kandidata, Nezavisni odbor prijedlog jednog kandidata koji ispunjava uslove iz konkursa, putem ministra dostavlja Vladi Kantona radi imenovanja.
- (3) Ministar prijedlog iz stava (2) ovog člana prosljeđuje Vladi Kantona u roku od osam dana od dana prijema prijedloga.
- (4) Ukoliko ministar ne uputi prijedlog kandidata u roku iz stava (3) ovog člana, Nezavisni odbor dostavlja prijedlog sa imenom kandidata iz stava (2) ovog člana direktno Vladi Kantona osam dana nakon isteka roka iz stava (3) ovog člana.

- (5) Kandidati za policijskog komesara sa liste iz člana 36. odnosno kandidat iz stava (2) ovog člana, daju pisanu izjavu o svom imovinskom stanju koju Nezavisni odbor dostavlja posredstvom ministra Vladi Kantona.

**Član 39.**

**(Imenovanje policijskog komesara)**

- (1) U roku od 15 dana, od dana prijema prijedloga, u skladu sa članom 37. odnosno članom 38. ovog Zakona, Vlada Kantona donosi rješenje o imenovanju policijskog komesara i dodjeli čina generalni inspektor policije koje se objavljuje u "Službenim novinama Zeničko-dobojskog kantona".
- (2) Mandat policijskog komesara je četiri godine, a može se obnoviti samo jednom uzastopno.
- (3) Mandat policijskog komesara može se prekinuti samo u slučajevima predviđenim ovim Zakonom.
- (4) Policijski komesar se po isteku mandata vraća u čin glavnog inspektora i raspoređuje na radno mjesto koje odgovara navedenom činu.

**Odjeljak C. Praćenje rada, godišnja ocjena o radu, razrješenje, disciplinska odgovornost i suspenzija policijskog komesara**

**Član 40.**

**(Praćenje rada policijskog komesara)**

- (1) Nezavisni odbor prati rad policijskog komesara na osnovu mjesečnog izvještaja o radu.
- (2) U skladu sa članom 30. stav (1) tačka f) ovog zakona Nezavisni odbor postupa po podnesenim pritužbama na rad policijskog komesara.
- (3) Nezavisni odbor ima pravo pristupa informacijama u skladu sa odredbama Zakona o zaštiti ličnih podataka i Zakonom o zaštiti tajnih podataka, a podaci i dokumentacija čija je operativna aktivnost u toku se ne mogu dostavljati Nezavisnom odboru.

**Član 41.**

**(Godišnja ocjena o radu policijskog komesara)**

- (1) Nezavisni odbor utvrđuje prijedlog godišnje ocjene o radu policijskog komesara na osnovu podataka iz člana 40. stav (1) ovog zakona, te utvrđeni prijedlog godišnje ocjene o radu policijskog komesara posredstvom ministra dostavlja Vladi Kantona.

(2) Policijski komesar je dužan dati svoje pisano izjašnjenje o prijedlogu ocjene iz stava (1) ovog člana.

(3) Ministar, prijedlog ocjene Nezavisnog odbora o radu policijskog komesara, izjašnjenje policijskog komesara i svoje mišljenje o predloženoj ocjeni dostavlja Vladi Kantona na odlučivanje.

(4) Vlada Kantona, na osnovu prijedloga ocjene i izjašnjenja iz stava (2) i mišljenja iz stava (3) ovog člana, donosi godišnju ocjenu o radu policijskog komesara.

(5) Policijski komesar može izjaviti prigovor Vladi Kantona na odluku iz člana (4) ovog člana u roku od 8 (osam) dana od dana prijema odluke o ocjeni.

(6) Odluka Vlade Kantona po prigovoru je konačna.

(7) Godišnja ocjena o radu policijskog komesara može biti "uspješan" ili "ne zadovoljava".

#### Član 42.

##### (Prijedlog Nezavisnog odbora za razrješenje policijskog komesara)

(1) Nezavisni odbor podnosi prijedlog za razrješenje policijskog komesara Vladi Kantona putem ministra u sljedećim slučajevima i to:

- a) na lični zahtjev policijskog komesara;
- b) ako, prema ocjeni nadležne zdravstvene institucije, policijski komesar postane trajno nesposoban za obavljanje poslova;
- c) ako je konačnom odlukom utvrđena disciplinska odgovornost policijskog komesara i izrečena sankcija prestanak radnog odnosa;
- d) ako je policijskom komesaru izrečena pravosnažna kazna zatvora za krivično djelo;
- e) ako je policijski komesar ocijenjen godišnjom ocjenom "ne zadovoljava";
- f) u slučaju smrti policijskog komesara.

(2) Prijedlog za razrješenje iz stava (1) ovog člana ministar, uz svoje mišljenje, dostavlja Vladi Kantona.

(3) Vlada Kantona u roku od 30 dana od dana prijema prijedloga za razrješenje i mišljenja iz stava (2) ovog člana razmatra prijedlog i donosi odluku o razrješenju policijskog komesara.

(4) Odlukom iz stava (3) ovog člana Vlada Kantona policijskom komesaru oduzima čin generalnog inspektora policije.

#### Član 43.

##### (Inicijativa ministra za razrješenje policijskog komesara)

Ministar može podnijeti inicijativu za razrješenje policijskog komesara kada se raspolože dokazima da policijski komesar ne izvršava poslove iz člana 22. stav (1) tačke b) i p) ovog zakona.

#### Član 44.

##### (Postupak po inicijativi ministra za razrješenje policijskog komesara)

(1) Inicijativu iz člana 43. ovog zakona ministar dostavlja Nezavisnom odboru na razmatranje i davanje mišljenja.

(2) Nezavisni odbor dužan je svoje mišljenje dati u roku od sedam dana od dana prijema inicijative.

(3) Ministar svoju inicijativu za razrješenje policijskog komesara i mišljenje Nezavisnog odbora dostavlja Vladi Kantona na razmatranje i odlučivanje.

(4) Vlada Kantona u roku od 15 dana od dana prijema inicijative i mišljenja iz stava (3) ovog člana razmatra inicijativu i donosi konačnu odluku.

#### Član 45.

##### (Nadležnost Nezavisnog odbora u vezi sa disciplinskim postupkom)

(1) Nezavisni odbor može inicirati pokretanje disciplinskog postupka za povrede službene dužnosti policijskog komesara propisane ovim zakonom.

(2) Disciplinski postupak se vodi u skladu sa odredbama ovog zakona.

(3) Nezavisni odbor razmatra svaku primljenu pritužbu, provjerava navode i donosi ocjenu o njenoj osnovanosti, najkasnije u roku od 30 dana od dana prijema pritužbe.

(4) Ukoliko Nezavisni odbor ocijeni da postoje osnovi sumnje da je počinjena povreda službene dužnosti, Vladi Kantona dostavlja zahtjev da imenuje disciplinske organe iz člana 48. ovog zakona.

(5) Stručna služba Vlade Kantona, najkasnije u roku od 15 dana od dana prijema zahtjeva Nezavisnog odbora, predlaže Vladi Kantona rješenja o imenovanju disciplinskih organa za utvrđivanje disciplinske odgovornosti policijskog komesara.

(6) Ukoliko Nezavisni odbor primi pritužbu koja sadrži elemente koji mogu uključivati i krivičnu odgovornost policijskog komesara, istu prosljeđuje nadležnom tužilaštvu najkasnije u roku od sedam dana od donošenja ocjene o osnovanosti.

#### Član 46.

##### (Povrede službene dužnosti)

Policijski komesar disciplinski odgovara za sljedeće povrede službene dužnosti:

- a) neizvršavanje, nesavjesno, neblagovremeno ili nepažljivo izvršavanje službenih zadataka;
- b) vršenje aktivnosti koje nisu u skladu sa interesima policijskog organa;
- c) ponašanje koje onemogućava, ometa ili otežava drugima izvršavanje službenih zadataka;
- d) ponašanje koje narušava ugled policijskog organa;
- e) sprečavanje, izbjegavanje, ometanje ili na drugi način odgađanje provođenja internog ili disciplinskog postupka protiv državnog službenika, policijskog službenika ili namještenika;
- f) sprečavanje građana ili pravnih lica u ostvarivanju njihovih prava pri podnošenju zahtjeva, žalbi, pritužbi, molbi i drugih podnesaka ili neodlučivanje po tim podnescima u zakonskom roku;
- g) činjenje ili nečinjenje koje vodi otkrivanju tajnih podataka;
- h) zloupotreba službenog položaja;
- i) odbijanje izvršavanja zakonitih naredbi nadležnih organa;
- j) nepoduzimanje ili nedovoljno poduzimanje mjera iz svoje nadležnosti;
- k) učestvovanje u političkim aktivnostima koje nisu u skladu sa službom policijskog službenika, bilo za vrijeme ili van dužnosti;
- l) protivpravno pribavljanje lične ili imovinske koristi za sebe ili za druge u vezi sa radom;
- m) izdavanje naređenja čije bi izvršenje predstavljalo krivično djelo;

n) vršenje diskriminacije pri obavljanju dužnosti na osnovu: rase, boje kože, spola, jezika, religije, političkog ili drugog opredjeljenja, nacionalnog ili socijalnog porijekla ili po bilo kojem drugom osnovu.

#### Član 47.

##### (Disciplinska, krivična i prekršajna odgovornost policijskog komesara)

- (1) Policijski komesar odgovara za povrede službene dužnosti koje nastaju kao rezultat njegove krivice.
- (2) Krivična odgovornost za krivično djelo i prekršajna odgovornost za prekršaj ne isključuje disciplinsku odgovornost policijskog komesara ako počinjeno krivično djelo ili prekršaj istovremeno predstavlja i povredu službene dužnosti.
- (3) Oslobođanje od krivične ili prekršajne odgovornosti ne podrazumijeva istovremeno i oslobođanje od disciplinske odgovornosti policijskog komesara.

#### Član 48.

##### (Organi disciplinskog postupka)

- (1) Organi disciplinskog postupka nadležni za utvrđivanje disciplinske odgovornosti policijskog komesara su:
  - a) Disciplinski tužilac;
  - b) Prvostepena disciplinska komisija;
  - c) Drugostepena disciplinska komisija.
- (2) Organi navedeni u stavu (1) ovog člana su privremeni organi i imenuju se po potrebi, rješenjem Vlade Kantona.

#### Član 49.

##### (Sastav organa disciplinskog postupka)

- (1) Disciplinski tužilac mora biti diplomirani pravnik i imenuje se iz reda državnih službenika.
- (2) Prvostepenu disciplinsku komisiju čine tri državna službenika od kojih najmanje dva člana moraju biti diplomirani pravnici.
- (3) Drugostepenu disciplinsku komisiju čini pet državnih službenika od kojih najmanje tri člana moraju biti diplomirani pravnici.
- (4) Državni službenici iz stava (1), (2) i (3) ovog člana nisu zaposlenici Ministarstva i Uprave policije.

**Član 50.**  
(Disciplinske sankcije)

- (1) Za povrede službene dužnosti iz člana 46. ovog zakona mogu se izreći sljedeće disciplinske sankcije:
  - a) pismena opomena;
  - b) novčana kazna u iznosu do 40% osnovne plaće na period do šest mjeseci;
  - c) prestanak radnog odnosa.
- (3) Pismena opomena se izriče za povredu službene dužnosti iz člana 46. tačka e) ovog zakona.
- (4) Disciplinska sankcija prestanak radnog odnosa izriče se u slučaju kada se ocijeni da su izvršene povrede službene dužnosti izazvale teže posljedice za sigurnost u Kantonu i da je prestanak radnog odnosa jedina odgovarajuća disciplinska sankcija za nastale posljedice.

**Član 51.**  
(Pravila postupka)

- (1) Ukoliko postoje osnovi sumnje iz člana 45. stav (4) ovog zakona, Nezavisni odbor dostavlja disciplinskom tužiocu inicijativu za pokretanje disciplinskog postupka u roku od osam dana od dana imenovanja organa iz člana 48. ovog Zakona.
- (2) Po prijemu inicijative iz stava (1) ovog člana, disciplinski tužilac preduzima sve potrebne radnje u cilju ispitivanja osnovanosti inicijative.
- (3) Disciplinski tužilac je dužan u roku od 30 dana od dana prijema inicijative donijeti ocjenu o njenoj osnovanosti.
- (4) Ukoliko utvrdi da je inicijativa osnovana, disciplinski tužilac podnosi zahtjev prvostepenoj disciplinskoj komisiji za pokretanje disciplinskog postupka protiv policijskog komesara.
- (5) Prvostepeni i drugostepeni disciplinski postupak za utvrđivanje disciplinske odgovornosti policijskog komesara provodi se po pravilima disciplinskog postupka koja su utvrđena Pravilnikom o disciplinskoj odgovornosti policijskih službenika Ministarstva unutrašnjih poslova Zeničko-dobojskog kantona, izuzimajući odredbe o povredama službene dužnosti, internom postupku, organima disciplinskog postupka i disciplinskim sankcijama.

**Član 52.**  
(Obaveza saradnje)

Sve organizacione jedinice Ministarstva i Uprave policije saraduju sa organima disciplinskog postupka, uključujući i pristup relevantnim podacima i osoblju.

**Član 53.**  
(Suspendizija policijskog komesara)

- (1) Policijski komesar se privremeno suspenduje sa rada ako je protiv njega potvrđena optužnica za krivično djelo do okončanja krivičnog postupka.
- (2) Vlada Kantona na prijedlog ministra donosi odluku o privremenoj suspendiziji u skladu sa stavom (1) ovog člana i odluka o suspendiziji je konačna.
- (3) Tokom suspendizije službeno oružje, značka i službena iskaznica policijskog komesara oduzimaju se i zabranjeno mu je nositi službenu uniformu.
- (4) Tokom suspendizije policijski komesar ima pravo na 85% od svoje plaće.
- (5) Policijski komesar ima pravo na punu naknadu svoje plaće i druga prava po osnovu rada ako se utvrdi da nije odgovoran za učinjenje krivičnog djela.

**POGLAVLJE IV. URED ZA PRITUŽBE JAVNOSTI**

**Član 54.**  
(Nadležnosti Ureda)

- (1) Ured za pritužbe javnosti (u daljem tekstu: Ured) je nezavisno tijelo Skupštine Kantona.
- (2) Nadležnost Ureda je da:
  - a) prima, razmatra, procjenjuje i prosljeđuje pritužbe na rad policijskih službenika Uprave policije, izjavljenih od građana, pravnih lica i drugih subjekata;
  - b) podnosi inicijativu za pokretanje internog postupka protiv policijskog službenika zbog povrede službene dužnosti;
  - c) prati, nadzire predmete i interni postupak koje provodi Jedinica za profesionalne standarde;



- d) prati i nadgleda izvršenje disciplinskih sankcija izrečenih od nadležnih disciplinskih tijela i provođenje tih disciplinskih sankcija kako bi se osigurala pravičnost i dosljednost, kao i svrha kažnjavanja;
- e) prati i nadgleda da li Jedinica za profesionalne standarde obavještava podnosioca pritužbe o ishodu internog postupka u pisanoj formi;
- f) vodi evidencije i baze podataka o pritužbama građana i rezultatima istrage na osnovu kojih je pokrenut disciplinski, prekršajni ili krivični postupak;
- g) zahtijeva dodatno izvođenje dokaza u internom postupku ako mišljenje Ureda nije jednako mišljenju Jedinice za profesionalne standarde;
- h) prati i nadgleda je li Jedinica za profesionalne standarde dostavila izvještaj nadležnom tužilaštvu u slučaju kada postoji osnovana sumnja da se radi o krivičnom djelu;
- i) inicira pokretanje postupka za utvrđivanje odgovornosti protiv policijskog službenika Uprave policije koji bude odlagao, opstruirao ili prikrivao informacije vezane uz bilo koju povredu službene dužnosti;
- j) zahtijeva pokretanje disciplinskog postupka protiv zaposlenika Jedinice za profesionalne standarde zbog zloupotrebe ili zapostavljanja postupka;
- k) vrši nadzor nad ostvarivanjem nezavisnosti u radu Jedinice za profesionalne standarde koji se odnosi na pokrenuti interni postupak;
- l) dostavlja Nezavisnom odboru pritužbe koje se odnose na rad policijskog komesara;
- m) priprema i podnosi godišnji izvještaj o svom radu Skupštini Kantona, a na zahtjev Skupštine Kantona sačinjava i dostavlja dodatni izvještaj o svom radu;
- n) obavještava javnost o svom radu;
- o) donosi poslovnik o svom radu i
- p) obavlja i druge poslove propisane zakonom i podzakonskim propisima.
- (3) Ako se pritužba odnosi na državnog službenika ili namještenika Ministarstva ili Uprave policije, Ured prosljeđuje pritužbu ministru, odnosno policijskom komesaru u roku 15 dana od dana prijema pritužbe.
- (4) Pod pritužbom se podrazumijeva podnesak koji se odnosi na nepravilan rad policijskih službenika.

#### Član 55. (Sastav Ureda)

- (1) Ured se sastoji od pet članova i to predsjedavajućeg i četiri člana.
- (2) Predsjedavajući i tri člana Ureda su iz reda građana, a jedan član je državni službenik zaposlen u Ministarstvu ili Upravi policije.
- (3) Najmanje jedan član Ureda mora biti diplomirani pravnik odnosno osoba sa stečenom diplomom visokog obrazovanja pravne struke.
- (4) Sastav Ureda odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

#### Član 56.

##### (Uslovi za imenovanje članova i predsjedavajućeg Ureda)

- (1) Član Ureda mora ispunjavati sljedeće uslove:
- a) da je državljanin Bosne i Hercegovine;
- b) da ima visoku stručnu spremu najmanje VII stepen obrazovanja ili najmanje završen prvi ciklus visokog obrazovanja bolonjskog sistema studiranja sa 240 ECTS bodova i najmanje pet godina radnog iskustva u struci u oblasti pravnih ili drugih društvenih nauka;
- c) da nije član političke stranke;
- d) da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- e) da u posljednje četiri godine nije bio član izvršnog ili zakonodavnog tijela, na bilo kojem nivou vlasti u Bosni i Hercegovini;
- f) da nije osuđivan za krivično djelo;
- g) da se protiv njega ne vodi krivični postupak i
- h) da mu nije izrečena disciplinska sankcija za teže povrede službene dužnosti.
- (2) Predsjedavajući Ureda pored uslova iz stava (1) ovog člana mora imati najmanje deset godina rukovodnog radnog iskustva na pravnim poslovima.

**Član 57.**  
(Procedura i imenovanje Ureda)

- (1) Skupština Kantona objavljuje javni konkurs i nakon provedene procedure, na prijedlog Komisije za izbor i imenovanja, imenuje Ured.
- (2) Konkurs se objavljuje u „Službenim novinama Zeničko-dobojskog kantona“ i u najmanje dva dnevna lista koja se distribuiraju na cijeloj teritoriji Bosne i Hercegovine.
- (3) Konkurs za imenovanje Ureda sadrži:
  - a) nadležnost Ureda;
  - b) uslove iz člana 56. ovog zakona;
  - c) spisak potrebnih dokumenata koje kandidat prilaže uz prijavu na konkurs, kao i onih koji se pribavljaju po službenoj dužnosti.
- (4) Rok za podnošenje prijave je 15 dana od dana zadnjeg objavljivanja konkursa.
- (5) Ured radi isključivo na profesionalnim osnovama i ne zastupa i ne štiti interese bilo koje političke stranke, registrovane organizacije ili udruženja u Bosni i Hercegovini.
- (6) Postupak izbora Ureda provodi se prema odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 11/13).
- (7) Ured se imenuje na mandat od četiri godine a može se obnoviti samo jednom uzastopno.
- (8) Postupak izbora Ureda pokreće se najkasnije šest mjeseci prije isteka mandata postojećeg Ureda.
- (9) Odluka o imenovanju Ureda je konačna.
- (10) Ukoliko mandat Ureda istekne prije imenovanja novog, postojeći Ured nastavlja vršiti svoje dužnosti sve do imenovanja novog Ureda.

**Član 58.**  
(Finansiranje Ureda)

- (1) Rad Ureda finansira se sa budžetske pozicije Skupštine Kantona.

- (2) Predsjedavajući i članovi Ureda imaju pravo na naknadu za svoj rad a visinu naknade utvrđuje Skupština Kantona.

**Član 59.**  
(Postupak i uslovi za razrješenje)

- (1) Skupština Kantona razrješava dužnosti predsjedavajućeg ili člana Ureda u sljedećim slučajevima i to:
  - a) ako prestane ispunjavati bilo koji od uslova na osnovu kojih je imenovan;
  - b) ako ne obavlja poslove u skladu sa zakonom i usvojenim poslovnikom o radu;
  - c) ako neopravdano ne prisustvuje uzastopno na tri sjednice Ureda;
  - d) ako, prema ocjeni nadležne zdravstvene institucije, predsjednik ili član Ureda postane trajno nesposoban za obavljanje poslova;
  - e) na njegov lični zahtjev.
- (2) U slučaju prestanka mandata usljed razrješenja ili smrti predsjedavajućeg ili člana Ureda mandat novog predsjedavajućeg ili člana koji je imenovan u skladu sa propisanim uslovima iz člana 56. ovog zakona traje do isteka mandata Ureda iz člana 57. stav (7) ovog zakona.

**POGLAVLJE V. ZAPOSLENICI MINISTARSTVA I UPRAVE POLICIJE, DAN POLICIJE I NAGRAĐIVANJE**

**Član 60.**  
(Zaposlenici Ministarstva i Uprave policije)

- (1) Poslove i zadatke iz nadležnosti Ministarstva i Uprave policije obavljaju policijski službenici, državni službenici i namještenici (u daljem tekstu: zaposlenici).
- (2) Državni službenici i namještenici Ministarstva i Uprave policije imaju službenu iskaznicu čiji se izgled, sadržaj i upotreba propisuje pravilnikom koji donosi ministar.
- (3) Za određena radna mjesta državnih službenika i namještenika u Ministarstvu i Upravi policije može se utvrditi dodatak na plaću u visini do 30% od osnovne plaće.

- (4) Vlada Kantona na prijedlog ministra i policijskog komesara utvrđuje radna mjesta i visinu dodatka iz stava (3) ovog člana.

#### Član 61.

(Stručno obrazovanje i usavršavanje)

- (1) Svi zaposlenici Ministarstva su obavezni da se stručno obrazuju i usavršavaju.
- (2) Sredstva za stručno osposobljavanje i usavršavanje iz stava (1) ovog člana će biti predviđena u Budžetu Kantona, na budžetskoj poziciji Ministarstva i Uprave policije.

#### Član 62.

(Pripravnici)

Pripravnici se primaju u Ministarstvo u skladu sa propisima kojima se reguliše radni odnos državnih službenika i namještenika.

#### Član 63.

(Kadeti)

- (1) Uprava policije vrši odabir kandidata za pohađanje obuke za policijske službenike - kadete u skladu sa Zakonom o policijskim službenicima.
- (2) Sredstva za obuku kadeta osiguravaju se u budžetu Kantona na budžetskoj poziciji Uprave policije.
- (3) Obuka kadeta za potrebe Uprave policije se reguliše posebnim ugovorom između Uprave policije i institucije u kojoj se vrši osnovna policijska obuka.

#### Član 64.

(Međusobne obaveze kadeta i Uprave policije)

- (1) Međusobne obaveze između kadeta i Uprave policije se regulišu posebnim ugovorom.
- (2) Za vrijeme obuke kadeti imaju obezbijeđen smještaj, hranu, kompletnu uniformu, udžbenike, zdravstveno i invalidsko osiguranje ako nemaju takvo osiguranje po drugoj osnovi, i mjesečna primanja dovoljna da pokriju osnovne lične troškove.
- (3) Sredstva za školovanje kadeta u instituciji koja obezbjeđuje osnovnu policijsku obuku osiguravaju se u budžetu Kantona, na budžetskoj poziciji Uprave policije.

#### Član 65.

(Dan policije)

- (1) Ovim zakonom utvrđuje se 15. maj kao dan policije u Kantonu.
- (2) U povodu obilježavanja dana policije Ministarstvo i Uprava policije organizuju svečanost uz dodjelu nagrada i priznanja.

#### Član 66.

(Nagrade)

- (1) Organizacionim jedinicama i zaposlenicima Ministarstva i Uprave policije mogu biti dodijeljene nagrade i priznanja za postignuti uspjeh u vršenju njihovih poslova.
- (2) Fizičkim i pravnim licima mogu biti dodijeljene zahvalnice i priznanja za saradnju i doprinos u radu Ministarstva i Uprave policije.
- (3) Nagrade i priznanja iz stava (1) ovog člana dodjeljuju se zajedničkom odlukom ministra i policijskog komesara.
- (4) Na prijedlog policijskog komesara ministar donosi pravilnik o nagradama i priznanjima iz stava (1) i (2) ovog člana kojim se propisuje način predlaganja i postupak donošenja odluka o nagradama i priznanjima kao i druga pitanja vezana za nagrade i priznanja.
- (5) O dodijeljenim nagradama i priznanjima vodi se evidencija čiji se sadržaj i način vođenja propisuje pravilnikom iz stava (4) ovog člana.

### DIO TREĆI – MEĐUSOBNI ODNOSI I SARADNJA MINISTARSTVA I UPRAVE POLICIJE SA MINISTARSTVOM SIGURNOSTI BOSNE I HERCEGOVINE, DRUGIM MINISTARSTVIMA UNUTRAŠNJIH POSLOVA, POLICIJSKIM ORGANIMA I ORGANIMA UPRAVE U BOSNI I HERCEGOVINI

#### Član 67.

(Principi saradnje)

Međusobni odnosi Ministarstva i Uprave policije sa Ministarstvom sigurnosti Bosne i Hercegovine, drugim ministarstvima unutrašnjih poslova, policijskim organima i organima uprave u Bosni i Hercegovini zasnivaju se na uzajamnoj saradnji, kontaktima, sporazumima, protokolima, ugovorima i razmjeni informacija od zajedničkog interesa u skladu sa zakonom.

**Član 68.****(Saradnja sa jedinicama lokalne samouprave u Kantonu)**

- (1) Ministarstvo i Uprava policije putem nadležne policijske uprave ili policijske stanice na zahtjev gradskog odnosno općinskog vijeća ili gradonačelnika odnosno općinskog načelnika dostavlja obavještenja, informacije i druge podatke o stanju i problemima iz djelokruga rada Ministarstva na tom području.
- (2) Gradsko odnosno općinsko vijeće ili gradonačelnik odnosno općinski načelnik mogu Ministarstvu dati prijedlog, mišljenje ili pokrenuti inicijativu u vezi sa pitanjima od značaja za bezbjednost na području grada ili općine.
- (3) Ministarstvo i Uprava policije je dužno da razmotri prijedlog, mišljenje ili inicijativu iz stava (2) ovog člana i obavijesti podnosioca o stavu i poduzetim mjerama.

**Član 69.****(Saradnja sa Federalnim i kantonalnim ministarstvima unutrašnjih poslova)**

Ministarstvo i Uprava policije saraduju sa Federalnim i kantonalnim ministarstvima unutrašnjih poslova i policijskim organima, u cilju zajedničkog unapređenja rada, usaglašavanja planova rada, preduzimanja zajedničkih aktivnosti i sigurnosnih mjera od zajedničkog interesa.

**Član 70.****(Zadaci povjereni od strane Federalnog ministarstva i pružanje pomoći kantonalnim ministarstvima unutrašnjih poslova)**

- (1) Federalno ministarstvo ili Federalna uprava policije, uz saglasnost Ministarstva, odnosno Uprave policije, može povjeriti Ministarstvu odnosno Upravi policije poslove iz svoje nadležnosti.
- (2) Ministarstvo i Uprava policije izvršavaju povjerene zadatke od strane Federalnog ministarstva ili Federalne uprave policije neposredno primjenjujući zakone i druge propise Federacije.
- (3) Federalno ministarstvo nadzire sprovođenje propisa iz stava (2) ovog člana.
- (4) Ministarstvo i Uprava policije mogu pružiti pomoć drugim kantonalnim ministarstvima unutrašnjih poslova kad oni to zatraže u skladu sa zakonom.

**Član 71.****(Saradnja sa drugim organima, ministarstvima unutrašnjih poslova i ostalim policijskim organima u Bosni i Hercegovini)**

Ministarstvo i Uprava policije saraduju sa Ministarstvom sigurnosti Bosne i Hercegovine, kao i svim direkcijama i agencijama unutar tog Ministarstva na osnovu člana 67. ovog zakona.

**Član 72.****(Pružanje pomoći policijskim organima u Bosni i Hercegovini)**

- (1) U okviru svoje nadležnosti, Ministarstvo i Uprava policije su dužni saradivati i pružiti pomoć policijskim organima iz člana 76. ovog Zakona, na njihov zahtjev.
- (2) U slučaju da Ministarstvo i Uprava policije preduzmu aktivnosti iz člana 70. ovog zakona i iz stava (1) ovog člana, ministarstva i ostali policijski organi snose dodatne troškove izvršenja tih zadataka a detalji u vezi sa dodatnim troškovima se dogovaraju na uzajamnoj osnovi i po potrebi.

**Član 73.****(Pružanje pomoći drugim organima ili pravnim licima)**

- (1) Uprava policije pruža pomoć drugim organima ili pravnim licima kojima je povjereno vršenje javnih ovlaštenja, radi osiguranja izvršenja poslova iz njihove nadležnosti, ako se prilikom izvršenja tih poslova i zadataka naiđe na fizički otpor ili se takav otpor može osnovano očekivati.
- (2) O načinu i obimu pružanja pomoći u smislu stava (1) ovog člana odlučuje rukovodilac nadležne policijske uprave odnosno policijske stanice, prema sjedištu organa, odnosno pravnog lica.
- (3) Kada ocijeni, da se prilikom pružanja pomoći iz stava (1) ovog člana može očekivati organizirani masovni fizički otpor ili upotreba oružja, rukovodilac nadležne policijske uprave odnosno policijske stanice je dužan, prije donošenja odluke iz stava (2) ovog člana, pribaviti pismenu saglasnost policijskog komesara.

**Član 74.****(Pružanje pomoći u vanrednim situacijama)**

- (1) U slučaju elementarnih nepogoda, epidemija kao i u drugim vanrednim slučajevima Federalno ministarstvo, Ministarstvo sigurnosti Bosne i Hercegovine i njegove direkcije i agencije, Ministarstvo unutrašnjih poslova

Republike Srpske, Policija Brčko Distrikta ili kantonalno ministarstvo unutrašnjih poslova može od Ministarstva i Uprave policije, kao i Ministarstvo i Uprava policije od njih, zatražiti pomoć u sredstvima, opremi i kadrovima.

- (2) U slučaju iz stava (1) ovog člana Ministarstvo i Uprava policije su dužni pružiti traženu pomoć na način i u obimu koji bitno ne otežava ostvarivanje njihovih funkcija.

#### Član 75.

##### (Udruživanje i korištenje sredstava)

- (1) Ministarstvo i Uprava policije, drugi policijski organi i organi uprave u Bosni i Hercegovini mogu udruživati finansijska sredstva radi zajedničke nabavke opreme, uspostave jedinstvenog i funkcionalnog informacijskog i informatičkog sistema, stručnog obučavanja državnih službenika, policijskih službenika i namještenika koji rade na unutrašnjim poslovima i poslovima policije.
- (2) Ministarstvo i Uprava policije mogu zajednički koristiti sredstva Ministarstva i Uprave policije i policijskih organa i organa uprave u Bosni i Hercegovini, za vršenje poslova u vezi sa stručnim osposobljavanjem i usavršavanjem zaposlenika, naučno-istraživačkim radom relevantnim za potrebe policije, razvoja kompleksnih kriminalističkih i tehničkih stručnih procjena, osiguranjem policijske opreme, sistema informacionih tehnologija i komunikacijskih sistema, naoružanja i drugih sličnih sredstava, kao i u vezi drugih zadataka iz svoje nadležnosti.

#### Član 76.

##### (Saradnja u krivičnim stvarima)

Uprava policije uspostavlja službenu saradnju u krivičnim stvarima sa drugim policijskim organima u Bosni i Hercegovini, u skladu sa Zakonom o pravnoj pomoći i službenoj saradnji u krivičnim stvarima između Federacije Bosne i Hercegovine, Republike Srpske i Brčko Distrikta („Službene novine Federacije Bosne i Hercegovine“, broj: 25/02) i drugim zakonima i propisima.

#### Član 77.

##### (Razmjena informacija i prikupljanje podataka)

U ostvarivanju saradnje iz člana 76. ovog zakona, uspostavlja se kontinuirana razmjena podataka i info-

rmacija između Uprave policije, Direkcije za koordinaciju policijskih tijela Bosne i Hercegovine, Državne agencije za istrage i zaštitu, Granične policije Bosne i Hercegovine, Federalne uprave policije, uprava policije drugih kantona, Ministarstva unutrašnjih poslova Republike Srpske, Policije Brčko Distrikta, kao i drugih nadležnih organa.

#### Član 78.

##### (Razmjena informacija u određenom slučaju)

- (1) Uprava policije razmjenjuje informacije sa drugim policijskim organima u Bosni i Hercegovini, ako oni smatraju takvu informaciju neophodnom ili ako bi korištenje te informacije pomoglo istražni postupak ili postupanje policije u određenom slučaju.
- (2) Razmjena informacija se vrši u skladu sa Zakonom o zaštiti tajnih podataka („Službeni glasnik Bosne i Hercegovine“, broj: 54/05 i 12/09) i drugim zakonima i propisima.

#### Član 79.

##### (Razmjena podataka)

- (1) Ministarstvo i Uprava policije mogu razmjenjivati podatke s policijskim i drugim nadležnim organima u Bosni i Hercegovini:
- u svrhu uspostave i funkcionisanja baza podataka koje će koristiti policijski i drugi nadležni organi u Bosni i Hercegovini;
  - u svrhu uspostave i funkcionisanja sistema razmjene podataka s policijskim i drugim nadležnim organima u Bosni i Hercegovini;
  - u druge svrhe, u skladu sa važećim zakonima i drugim propisima.

- (2) Podaci iz stava (1) ovog člana se odnose na poslove policijskih organa, ministarstava i drugih nadležnih organa u Bosni i Hercegovini.

#### Član 80.

##### (Ovlasti policijskih službenika drugih policijskih organa na teritoriji Kantona)

Policijski službenici Direkcije za koordinaciju policijskih tijela Bosne i Hercegovine, Državne agencije za istrage i zaštitu, Granične policije Bosne i Hercegovine i Federalne uprave policije kod vršenja poslove iz svoje nadležnosti imaju sve ovlasti na teritoriji Kantona kao i policijski službenici Uprave policije.

**Član 81.****(Vršenje poslova izvan teritorije Kantona)**

Uprava policije može direktno sa Federalnom upravom policije, drugim kantonalnim upravama policije, Ministarstvom unutrašnjih poslova Republike Srpske i sa Policijom Brčko Distrikta utvrditi uslove pod kojima policijski službenici mogu vršiti određene zadatke ili poslove na području drugog policijskog organa, te uslove pod kojim policijski službenici tih organa mogu vršiti određene poslove i zadatke na području Kantona.

**Član 82.****(Krivična djela u nadležnosti drugih policijskih organa)**

- (1) U slučaju da, vršeći zadatke iz svoje nadležnosti, otkrije da se priprema izvršenje ili je izvršeno krivično djelo iz nadležnosti drugih policijskih organa u Bosni i Hercegovini, Uprava policije preduzima neophodne mjere i aktivnosti na sprečavanju izvršenja tog krivičnog djela ili pronalaženju i lišavanju slobode učinioca krivičnog djela.
- (2) Nakon preduzimanja mjera i aktivnosti iz stava (1) ovog člana, Uprava policije će odmah obavijestiti policijski organ nadležan za ta krivična djela.

**DIO ČETVRTI – PRELAZNE I ZAVRŠNE ODREDBE****Član 83.****(Podzakonski propisi koje donosi Vlada Kantona)**

- (1) U roku od šest mjeseci od dana stupanja na snagu ovog zakona, Vlada Kantona će na prijedlog ministra donijeti:
  - a) Uredbu o osiguranju određenih ličnosti i objekata u Kantonu iz člana 11. ovog zakona;
  - b) Uredbu o obliku, sadržaju i načinu korištenja zaštitnog znaka Ministarstva iz člana 12. ovog zakona.
- (2) U roku od tri mjeseca nakon donošenja Pravilnika o unutrašnjoj organizaciji Ministarstva na prijedlog ministra i policijskog komesara Vlada Kantona donosi odluku iz člana 60. stav (4) ovog zakona.

**Član 84.****(Podzakonski propisi koje donosi ministar)**

- (1) U roku od šest mjeseci od dana stupanja na snagu ovog zakona ministar će, uz saglasnost Vlade Kantona, donijeti Pravilnik o unutrašnjoj organizaciji Ministarstva iz člana 15. stav (1) ovog zakona.
- (2) U roku od šest mjeseci od dana stupanja na snagu ovog zakona ministar će na prijedlog policijskog komesara donijeti:
  - a) Pravilnik o uslovima, načinu i postupku korištenja odobrenih finansijskih sredstava iz člana 7. stav (4) ovog zakona,
  - b) Pravilnik o načinu rada Jedinice za profesionalne standarde iz člana 18. stav (4) ovog zakona,
  - c) Pravilnik o informisanju javnosti iz člana 20. stav (2) tačka h) ovog zakona,
  - d) Pravilnik o izgledu, sadržaju i upotrebi službene iskaznice državnih službenika i namještenika Ministarstva i Uprave policije iz člana 60. stav (2) ovog zakona,
  - e) Pravilnik o nagradama i priznanjima iz člana 66. stav (4) ovog zakona.
- (3) U roku od šest mjeseci od dana stupanja na snagu ovog zakona, ministar će, uz saglasnost policijskog komesara, donijeti pravilnik o izgledu, obilježavanju i korištenju vozila Ministarstva i Uprave policije iz člana 13. ovog zakona.

**Član 85.****(Prelazne odredbe o mandatu imenovanih)**

- (1) Izuzetno od odredbi člana 28., 39. i 57. ovog zakona, članovi Nezavisnog odbora, policijski komesar kao i predsjedavajući i članovi Ureda, imenovani na tu poziciju u skladu sa zakonom i drugim propisima koji su bili na snazi prije stupanja na snagu ovog zakona, ostaju na toj poziciji do isteka svog mandata.
- (2) Danom početka primjene ovog zakona članovima Nezavisnog odbora i Ureda imenovanim iz reda zaposlenih u Upravi policije prestaje mandat.

**Član 86.****(Prelazna odredba o primjeni važećih propisa)**

- (1) U roku od 60 dana od početka primjene ovog zakona potrebno je sa ovim zakonom uskladiti odredbe Zakona o ministarstvima i drugim tijelima kantonalne

uprave („Službene novine Zeničko-dobojskog kantona“, broj: 10/15), Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17) i Poslovnika o radu Skupštine Kantona u vezi sa Nezavisnim odborom i Uredom za pritužbe javnosti.

(2) Do donošenja propisa iz člana 84. ovog zakona primjenjivat će se propisi koji su se primjenjivali do dana stupanja na snagu ovog zakona.

(3) Instrukcije i uputstva iz nadležnosti policijskog komesara doneseni prije stupanja na snagu ovog zakona ostaju na snazi do donošenja novih, a najduže šest mjeseci od dana stupanja na snagu ovog zakona kada isti prestaju važiti.

#### Član 87.

(Imovina koju koristi Ministarstvo i Uprava policije)

Imovina Kantona koja je prenesena na korištenje dana 31.12.1996. godine i koju Ministarstvo i Uprava policije koriste na dan stupanja na snagu ovog zakona, kao i imovina koju Ministarstvo stekne nakon stupanja na snagu ovog zakona je imovina Kantona.

#### Član 88.

(Diobni bilans)

U roku od šest mjeseci od dana stupanja na snagu ovog Zakona ministar i policijski komesar će donijeti odluku o diobnom bilansu stalnih sredstava i sitnog inventara Ministarstva i Uprave policije.

#### Član 89.

(Prestanak primjene važećih propisa)

(1) Danom početka primjene ovog zakona prestaje da važi Zakon o unutrašnjim poslovima Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 15/04, 11/05, 9/09 i 2/18).

(2) Danom početka primjene ovog zakona prestaje da važi Uredba o uredu za pritužbe javnosti - Prečišćeni tekst („Službene novine Zeničko-dobojskog kantona“, broj: 12/09 i 11/10).

(3) Danom početka primjene ovog zakona prestaje da važi Odluka o utvrđivanju 15. maja kao Dana policije Zeničko-dobojskog kantona („Službene novine Zeničko-dobojskog kantona“, broj: 4/04).

#### Član 90.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“, a primjenjivat će se od 01.01.2019. godine.

Broj: 01-02-14162/18

Datum: 17.09.2018. godine

Zenica

**PREDSJEDAVALAČI**

**Jasmin Duvnjak, s.r**

345.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 66. sjednici održanoj dana 17.09.2018. godine, d o n o s i

#### ZAKON

#### O IZMJENAMA I DOPUNAMA ZAKONA O NABAVLJANJU, DRŽANJU I NOŠENJU ORUŽJA I MUNICIJE

#### Član 1.

(Dopuna člana 6.)

U Zakonu o nabavljanju, držanju i nošenju oružja i municije – Prečišćeni tekst („Službene novine Zeničko-dobojskog kantona“, broj: 9/13 i 1/14), u članu 6. stav (1) iza tačke nn) tačka se zamjenjuje zarezom i dodaje nova tačka oo) koja glasi:

"oo) airsoft i paintball naprave su puške i pištolji, odnosno sportski rekviziti namijenjeni izbacivanju plastičnih, gumenih ili želatinoznih projektila na isti način kao i vazdušno oružje, s tim da mogu imati veći kalibar od navedenog i mogu raditi u automatskom režimu i da je energija projektila manja od energije navedene za pojam vazdušnog oružja."

#### Član 2.

(Dopune člana 6a.)

U članu 6a. stav (1) Kategorija C iza tačke 4) na kraju teksta tačka se zamjenjuje zarezom i dodaju nove tačke 5) i 6) koje glase:



Ministarstvo unutrašnjih poslova  
n/r ministra  
-ovdje-

Zenica, 24.04.2023. godine  
Naš broj: 06-04/2-02-3742-1/23

**PREDMET: Prijedlog Zakona o izmjeni i dopuni Zakona o unutrašnjim poslovima  
Zeničko-dobojskog kantona, -mišljenje, dostavlja se**

Veza vaš broj: 08-01-02-2-02-1-1060/2023 od 12.4.2023. godine

U skladu s članom 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj 10/15 i 8/22), i članom 31. stav (1) tačka b) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), te na osnovu uvida u tekst u Prijedlog Zakona o izmjeni i dopuni Zakona o unutrašnjim poslovima Zeničko-dobojskog kantona (u daljem tekstu: Prijedlog Zakona) dostavljenog aktom veze, u postupku pravne analize Prijedloga Zakona, provedene s ciljem utvrđivanja usklađenosti istog sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), daje se


### MIŠLJENJE

Član 3. Prijedloga Zakona kojim se predlaže brisanje odredbi člana 85. osnovnog zakona u vezi sa imenovanjima, potrebno je regulisati novom prijelaznom odredbom.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Odluke, Ministarstvo ne snosi odgovornost.

Poštovanje,

Dostaviti:  
1 x Naslovu  
1 x a/a



MINISTAR  
*H. Hasanićević*  
Edin Hasanićević







Broj: 03-02-3742-3/23

Zenica, 17.04.2023. godine

**MINISTARSTVO UNUTRAŠNJIH POSLOVA  
ZENIČKO-DOBOJSKOG KANTONA**

01-02/23  
01-02  
Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
Ministarstvo unutrašnjih poslova  
Ministarstvo unutrašnjih poslova

Primijeno:	19. 04. 2023		
ORGANIZACIONA JEDINICA	KLASIFIKACIONA OZNAKA	REDNI BROJ	BROJ PRILOGA
01-02/23	02-1	1066-1	23

**PREDMET: Mišljenje o Prijedlogu Zakona o izmjenama i dopunama Zakona o unutrašnjim poslovima Zeničko-dobojskog kantona - dostavlja se**

- Veza Vaš akt broj: 08-01-02/2-02-1-1066/23 od 12.04.2023. godine -

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine FBiH“, broj: 8/96 i „Službene novine Zeničko-dobojskog kantona“, broj: 2/05) u postupku pribavljanja mišljenja na osnovu člana 118. stav (3) i člana 128. stav (2) Poslovnika Skupštine Zeničko-dobojskog kantona- Treći prečišćeni tekst („Službene novine Zeničko-dobojskog kantona broj 14/18, 18/18-isp., 7/19 i 7/20), te na osnovu uvida u tekst Prijedloga Zakona o izmjenama i dopunama Zakona o unutrašnjim poslovima Zeničko-dobojskog kantona, radi utvrđivanja usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

**MIŠLJENJE**

Pravni osnov Prijedloga Zakona o izmjenama i dopunama Zakona o unutrašnjim poslovima Zeničko-dobojskog kantona (u daljem tekstu: prijedlog zakona) je pravilno utvrđen jer član 18. tačka b) Ustava Zeničko-dobojskog kantona („Službene novine Federacije BiH“, broj: 7/96 i „Službene novine Zeničko-dobojskog kantona“, broj: 1/96, 10/2000, 8/04, 10/04 - ispr. i 10/04) propisuje da je Kanton nadležan za uspostavljanje i nadziranje policijskih snaga koje će imati jedinstvene federalne uniforme sa oznakama Kantona, dok član 37. tačka f) Ustava propisuje da Skupština Zeničko-dobojskog kantona donosi zakone i ostale propise za izvršavanje kantonalnih nadležnosti.

Prijedlog zakona je urađen u skladu sa Jedinštenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj 5/08).

Mišljenja smo da član 2. prijedloga zakona nije usklađen s pravnim sistemom i da je potrebno da se isti briše, jer ne može Nezavisni odbor utvrđivati da li policijski komesar ispunjava uslove u pogledu državljanstva (član 33. stav (1) tačka a)), da li ispunjava uslove da ima najmanje VII stepen školske spremne ili najmanje završen prvi ciklus visokog obrazovanja bolonjskog sistema studiranja sa 240 ECTS bodova (član 33. stav (1) tačka c)), i da li ima čin glavnog inspektora i najmanje tri godine radnog iskustva u tom činu (član 33. stav (1) tačka c)). Navedeni uslovi se provjeravaju pri samoj konkursnoj proceduri, te je neozbiljno da se isti provjeravaju kada lice već stupi na dužnost nakon okončane konkursne procedure. S druge strane, ako se radi o uslovima koji po sili zakona nastupaju onda se oni kao takvi i ne definišu već se provode.

Član 25. stav (1) Zakona o državljanstvu Federacije Bosne i Hercegovine („Službene novine Federacije BiH“, broj: 34/16 i 98/16- ispr.“) propisuje da državljanstvo Federacije prestaje danom uručenja (dostave) rješenja o prestanku državljanstva Federacije licu na koje se rješenje odnosi. Na osnovu odredbi o državljanstvu, a dovodeći u vezi sa predloženom izmjenom, jasno proizilazi da

policijski komesar ne može biti osoba koja nije državljanin Bosne i Hercegovine, jer je članom 33. tačka a) osnovnog Zakona o unutrašnjim poslovima propisano da kandidat za policijskog komesara mora ispunjavati uslov da je državljanin Bosne i Hercegovine, pa samim time je ova predložena odredba bespredmetna, jer prestanak državljanstva za posljedicu ima i automatski gubitak korištenja prava, jer državljanstvo predstavlja pravni odnos između države i pojedinca iz kojeg proizlaze prava i obaveze.

Predložena odredba koja se odnosi na činjenicu da kada se utvrdi da policijski komesar nema najmanje VII stepen školske spreme ili najmanje završen prvi ciklus visokog obrazovanja bolonjskog sistema studiranja sa 240 ECTS bodova je sama po sebi bespredmetna jer se ništavost javnih isprava provodi od strane nadležnog organa ministarstva obrazovanja ili ustanova koje su takve javne isprave izdale ili od strane nadležnog suda, tako da se pitanje uslova posjedovanje diplome rješava po sili zakona. U situaciji kada visokoškolska ustanova ili drugi nadležni organ utvrdi da je diploma nevažeća, takva odluka se provodi po sili zakona i obavezujuća je kako za Nezavisni odbor tako i za Vladu Zeničko-dobojskog kantona.

Što se tiče također uslova ako se utvrdi da policijski komesar nema čin glavnog inspektora i najmanje tri godine radnog iskustva u tom činu, moramo istaći da se ova odredba tek predlaže ovim prijedlogom zakona i ona može biti obavezujuća samo za buduće slučajeve na koje se ima primijeniti, a nikako na već postojeće pravne odnose. Kada je riječ o primjeni pravnih propisa, polazi se od toga da cilj pravnog propisa je da djeluje stvaralački, regulativno, zaštitno, preventivno, što upućuje na to da pravni propis djeluje pro future, na buduće slučajeve koji će se pod njim desiti, a situacije nastale za vrijeme važenja ranijeg propisa ostaju u važnosti. Ako bi propis imao retroaktivno djelovanje onda bi to bilo suprotno načelu pravne sigurnosti i jednakosti građana.

Član 3. prijedloga zakona je apsolutno nesvrshodan i bespredmetan. Zakon o unutrašnjim poslovima je objavljen u Službenim novinama Zeničko-dobojskog kantona broj: 13/18 od 27.09.2018. godine i stupio je na snagu osmog dana od dana njegovog objavljivanja, što znači 05.10.2018. godine, a počeo se primjenjivati od 01.01.2019. godine. Član 85. ovog Zakona propisuje da članovi Nezavisnog odbora, policijski komesar kao i predsjedavajući i članovi Ureda, imenovani na tu poziciju u skladu sa zakonom i drugim propisima koji su bili na snazi prije stupanja na snagu ovog zakona, ostaju na toj poziciji do isteka svog mandata. Član 85. koji je smješten u prijelaznim i završnim odredbama reguliše pravne odnose koji su nastali do vremena stupanja na snagu ovog zakona, odnosno do vremena njegove primjene tj. do 01.01.2019. godine. Ova odredaba je bila privremenog karaktera jer je ograničena na slučaj do isteka mandata. Kada je ovaj slučaj riješen istekom mandata, tada je prestala i potreba za daljnjim postojanjem ove odredbe i ona je kao takva odumrla u sistemu prava.

Imajući u vidu da se situacija ponavlja kao u vrijeme donošenja osnovnog Zakona neophodno je riješiti postojeće stanje prijelaznim i završnim odredbama. Cilj prijelaznih odredbi je da se propiše da se na pravne činjenice koje su nastale prije stupanja na snagu ovog prijedloga zakona primjenjuje pravni propis koji je bio na snazi u vrijeme njihovog nastanka. Mišljenja smo da pravni odnosi ostaju i dalje isti bez obzira da li se brisao ili ne član 85. osnovnog Zakona, te da je svrsishodnije definisati po uzoru na osnovni tekst Zakona da se trenutno stanje u pogledu trajanja mandata aktuelnog policijskog komesara rješava novom prijelaznom i završnom odredbom, a sve iz razloga kako bi se otklonile dileme u primjeni zakona.

S poštovanjem,

Dostavljeno:

Naslovu,  
 a/a.



SEKRETAR  
*Paulu*  
Mirnes Burkić



Broj: 07-02-3742-2/23  
Zenica, 24.04.2023. godine

## MINISTARSTVO UNUTRAŠNJIH POSLOVA

**PREDMET:** Mišljenje na Prijedlog Zakona o izmjenama i dopuni Zakona o unutrašnjim poslovima  
Zeničko-dobojskog kantona - *dostavlja se*

Ministarstvo finansija je razmotrilo Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona, sa obrazloženjem, podnesen od strane poslanice u Skupštini Zeničko-dobojskog kantona, Amele Granić, koji nam je dostavljen na mišljenje uz akt Ministarstva unutrašnjih poslova, broj: 08-01-02/2-02-1-1066/2023 od 14.04.2023. godine, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

### MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 42. stav 1. Zakona o budžetima u Federaciji BiH, propisano je da „prijedlozi zakona, uredbi i drugih propisa koje Vlada donosi ili predlaže donošenje Parlamentu moraju sadržavati procjenu finansijskih efekata na budžet.“

Članom 21. stav 2. Zakona o organizaciji organa uprave u Federaciji BiH («Službene novine Federacije BiH», broj: 35/05), propisano je da “ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.”

U tački IV Obrazloženja Prijedloga Zakona o izmjenama i dopuni Zakona o unutrašnjim poslovima Zeničko-dobojskog kantona, podnesenpm od strane poslanice u Skupštini Zeničko-dobojskog kantona, Amele Granić, navedeno je da za „provođenje predloženog Zakona o izmjeni i dopuni Zakona o unutrašnjim poslovima Zeničko-dobojskog kantona nisu potrebna dodatna finansijska sredstva u Budžetu Kantona za 2023. godinu.“

Imajući u vidu navedeno Obrazloženje finansijskih efekata Prijedloga Zakona o izmjenama i dopuni Zakona o unutrašnjim poslovima Zeničko-dobojskog kantona, Ministarstvo finansija Zeničko-dobojskog kantona, u ovome dijelu, nema primjedbi iz svoje nadležnosti.

Međutim, uz Zahtjev za davanje mišljenja na Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona, od strane obradivača i predlagača Prijedloga Zakona nije dostavljena popunjena i ovjerena Izjava o fiskalnoj procjeni propisa.

Naime, članom 1. stav (2) Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18), propisano je:

„Svaki prednacrt, nacrt, odnosno prijedlog zakona, drugih propisa i akata planiranja (strategije, akcioni planovi, projekti, programi i slično, u daljem tekstu: propisi i akti planiranja) moraju sadržavati izjavu o fiskalnoj procjeni“.

Članom 7. stav (1) navedenog Pravilnika je propisano da obrađivač, odnosno predlagač dostavlja na mišljenje ministarstvu finansija kantona, propis zajedno sa izjavom o fiskalnoj procjeni datoj na propisanom obrascu IFP-DA ili obrascu IFP-NE.

Članom 7. stav (3) navedenog Pravilnika je propisano:

„U slučaju kada su obrađivač akta i predlagač dvije različite institucije, odnosno organi uprave, odgovarajući obrazac potpisuju i ovjeravaju rukovodioci obje institucije, odnosno organa uprave.“

Članom 9. stav (1) navedenog Pravilnika je propisano da prilikom upućivanja propisa na razmatranje vladi, ili skupštini kantona, obavezno se prilaže Izjava o fiskalnoj procjeni na obrascu: IFP-DA ili obrascu: IFP-NE.


Također, Ministarstvo finansija ne snosi odgovornost za pravna rješenja predložena od strane obrađivača i predlagača u dostavljenom Prijedlogu Zakona o izmjenama i dopuni Zakona o unutrašnjim poslovima Zeničko-dobojskog kantona.

Međutim, imajući u vidu navedeno Obrazloženje Prijedloga Zakona u kojem je navedeno da za „provođenje predloženog Zakona o izmjeni i dopuni Zakona o unutrašnjim poslovima Zeničko-dobojskog kantona nisu potrebna dodatna finansijska sredstva u Budžetu Kantona za 2023. godinu“, Ministarstvo finansija nema drugih primjedbi i sugestija iz svoje nadležnosti.

S poštovanjem!

Dostavljeno:

1x Naslovu,  
1x a/a.





Broj: 01-02-3742-3/23

Zenica, 04.04.2023. godine

**VLADA ZENIČKO-DOBOJSKOG KANTONA**

- *n/r premijera Kantona*

- *n/r sekretara Vlade*

- **ZAKONODAVNO-PRAVNA KOMISIJA SKUPŠTINE** – svim članovima  
putem Odjeljenja za poslove radnih i drugih tijela Skupštine i radno-pravne  
poslove-04-02

**PREDMET: Povlačenje Prijedloga Zakona o izmjeni i dopuni Zakona o unutrašnjim poslovima Zeničko-dobojskog kantona-skraćeni postupak, predlagača Amele Granić, poslanice u Skupštini Zeničko-dobojskog kantona, sa inicijativom za donošenje istog po skraćenom postupku i novi Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona-skraćeni postupak, predlagača Amele Granić, poslanice u Skupštini Zeničko-dobojskog kantona - dostavlja se**  
**Veza: Akt Stručne službe Skupštine broj: 01-02-3742-1/23 od 13.03.2023. godine**

Amela Granić, poslanica u Skupštini Zeničko-dobojskog kantona, podnjela je 03.04.2023. godine, u skupštinsku proceduru u pisanoj formi predsjedavajućem Skupštine Zeničko-dobojskog kantona novi Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona, a isti je u Stručnu službu Skupštine Kantona imenovana poslanica predala lično dana 03.04.2023. godine, te predložila da se isti, shodno odredbi člana 140. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18-Isp., 7/19 i 7/20), pretresa po skraćenom postupku bez nacrt zakona, iz razloga što se radi o jednostavnom i kratkom Prijedlogu Zakona kojim se mijenja član 33. tačka d), dopunjava član 42. novom tačkom, a član 85. briše.

Pored toga, imenovana poslanica je u aktu kojim je podnijela novi Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona-skraćeni postupak, također navela: „S obzirom da je u međuvremenu, prijedlog dopunjen i brisanjem jednog člana, povlačim prvobitno dostavljen prijedlog zakona, te umjesto toga, upućujem novi prijedlog koji dostavljam u prilogu ovog akta.“

S tim u vezi isti vam dostavljamo na dalju nadležnost, s obzirom da iz istog proizilazi da imenovana poslanica povlači prvobitno podneseni Prijedlog Zakona o izmjeni i dopuni Zakona o unutrašnjim poslovima Zeničko-dobojskog kantona-skraćeni postupak, sa inicijativom za donošenje istog po skraćenom postupku, te da smo našim aktom veze broj i datum gornji, shodno Poslovniku Skupštine Zeničko-dobojskog kantona-Treći prečišćeni tekst („Službene novine Zeničko-dobojskog kantona“, broj: 14/18, 18/18-Isp., 7/19 i 7/20) dostavili na mišljenje Vladi Kantona prvobitno podneseni Prijedlog Zakona o izmjeni i dopuni Zakona o unutrašnjim poslovima Zeničko-dobojskog kantona-skraćeni postupak, predlagača Amele Granić, poslanice u Skupštini Zeničko-dobojskog kantona, sa inicijativom za donošenje istog po skraćenom postupku, a imajući u vidu činjenicu da do dana zaprimanja ovog novog akta imenovane poslanice, odnosno novog Prijedloga Zakona u Skupštinu Kantona nije dostavljeno traženo mišljenje po prvobitno podnesenom Prijedlogu Zakona.

Odredbom člana 128. stav 1. Poslovnika Skupštine Zeničko-dobojskog kantona propisano je da „*pravo predlaganja zakona ima svaki poslanik, radno tijelo Skupštine, Vlada Kantona i općinsko vijeće*“, dok je stavom 2. istog člana propisano da „*o načinu podnošenja prijedloga zakona, njegovog upućivanja Skupštini, drugim tijelima Skupštine i zainteresovanim organima i drugim organizacijama i zajednicama, njegovog dostavljanja Vladi radi davanja mišljenja u slučajevima kada prijedlog nije utvrdila Vlada, njegovog razmatranja u Zakonodavno-pravnoj komisiji, shodno se primjenjuju odgovarajuće odredbe ovog Poslovnika koje se odnose na nacrt zakona.*“

Odredbom člana 118. stav 3., a u vezi sa članom 128. stav 2. Poslovnika Skupštine Zeničko-dobojskog kantona propisano je da “nacrt zakona predsjedavajući dostavlja i Vladi radi davanja mišljenja u slučajevima kada nacrt nije utvrdila Vlada.”

S tim u vezi, shodno odredbi člana 118. stav 4. Poslovnika Skupštine Zeničko-dobojskog kantona, **dostavljamo vam na mišljenje novi Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona-skraćeni postupak, predlagača Amele Granić, poslanice u Skupštini Zeničko-dobojskog kantona i molimo dostavu mišljenja u propisanom roku od 30 dana,** radi daljeg postupanja Skupštine po novom Prijedlogu Zakona u skladu s Poslovníkom Skupštine.

S poštovanjem,

SEKRETAR

*Ibrahim Avdagić*

**PRILOG:** Akt poslanice Amele Granić od 03.04.2023. godine kojim povlači prvobitno dostavljeni Prijedlog Zakona o izmjeni i dopuni Zakona o unutrašnjim poslovima Zeničko-dobojskog kantona-skraćeni postupak, sa inicijativom za donošenje istog po skraćenom postupku, te dostavlja u proceduru novi Prijedlog Zakona o izmjenama i dopuni Zakona o unutrašnjim poslovima Zeničko-dobojskog kantona-skraćeni postupak

**Dostavljeno:**

3x Naslovu

1x Poslanicama Skupštine ZDK/05-03

1x U predmet – „R“/05-02